

石村貞一編次

明治  
新刻

# 元明清史略

版權免許


明治十年  
九月廿五日

東生書館藏

元明清史略序  
時運之益趨開  
明也世事漸繁  
則技藝文學皆



222058I652g



元明清史略序  
時運之益趨開  
明也世事漸繁  
則技藝文學皆




元明清史略

圖書局長何氏序

高麗書院藏

3004



明治新刻

石村貞一編次

元明清史略

版權免



無	不	加	其	繁	者
焉	故	人	情	日	尚
近	捷	而	棄	迂	遠
海	骨	輪	船	之	價

陸	脊	氣	車	之	利
其	他	電	信	郵	報
等	百	般	文	物	莫
一	非	期	功	于	簡



便捷速者蓋不  
 如此不足改應  
 繁冗頃者后部  
 君睿元明清史

略來請予一言  
 予雖未暇審此  
 書之果約而詳  
 簡而明與否然



據今日人事推  
之其不負簡便  
捷速之在運也  
奚疑明治十一

年二月瓊泛何  
致遠識



不菴兼書圖



元明清史略序

讀史尤不可不詳近世。近世之事。與今日相關涉。乃至他邦史乘。時世益近。則氣運人情益相似。故按其時事之跡。而可以為鑑戒也。蓋西人之



互市于支那。在明清間。迨道光阿片亂。清兵敗劔。內訌繼起。昇祚殆傾。後二十年。米人始來乞互市於我。士論紛紛。援清國事例。以謂許之必生事。其識者則曰。氣運至此。我

不可獨拒。但清自尊大。而瞠乎外情。所以釀變。宜務反其所為。以求彼此相益。於是因是一定。交際之盛。以至於今矣。自明初以經義取士。經解一從程朱注。禁用他說。至清



因之。我慶元中。始崇儒學。亦用新注。闔國遵奉。而宋學之弊。汨沒章句。迺腐選懦。難於進取。議者或誹明祖用書。愚人。餘姚一派。以良知說聒之。而不能救。我水戶黃門氏當

宋學方興之際。首唱名分節義。以振作士大夫之氣。學者於是知所嚮。侃然勇往。終以贊成皇室中興之業矣。凡如此類。彼我同轍。後先相望。其得者師之。失者矯之。殷鑑不



遠。在夏后世。讀史之方。與經世之略。相資以為用。而世之讀史者。往往詳遠而略近。是猶修族譜者。舍祖禰而溯高曾以上。於親親之義。為得乎。然己之親近者。猶存于耳目。

人之親近者。譜未作。則吾將何由徵之。他邦近事之無史。乘可徵。亦猶是歟。此脩史家之所尤孜孜焉。石村士剛著元明清史略。屬序于余。明季以降。無有成書。士剛乃博徵




旁證。網羅弗遺。而又能撮其要。於是其氣運人情之相類似。而時事之可鑑戒者。靡歷歷在目。從政者就而參觀焉。則其裨補于國家。蓋匪淺鮮。豈直益乎讀史者云已哉。抑我

已取鑑戒於彼。彼亦將觀我記載。以供鑒戒。不知我之近事。筆以傳海外者。果能無失舉之可矯正乎。否耶。嗚呼。其可弗思矣乎。

明治十一年三月



一等編修官重野安繹撰



桂洲伊藤信平書



自序

太史公論儒者博而寡要。勞而罔功。史學亦如是也。遷固以降。史二十有二。卷帙浩繁。觀者望洋。莫知津涯。於是乎。司馬氏會萃諸史。以為通鑑。革紀傳之制。創編年之體。曾氏撮其要。而著十八史略。簡約精覈。歷世治亂興亡之蹟。典禮沿革之詳。彰然如指掌。使讀者不陷蹊徑。直取捷於康衢。



其嘉惠後進。可謂偉矣。予少時喜讀史。史之要領關鍵。今猶能成誦者。得於史略者多矣。而未見繼史略之好書。於是不自揣。忘意纂輯。欲以繼曾氏之後。熟復元明二史。及三朝實錄。東華錄等。旁於名家文集雜記。野乘稗史。抉摘幽隱。究悉顛末。日夜手書。三五年間。堆几盈筐。旋覺倦勤。或傭人膽出。或自加刪潤。可疑可信。校計毫釐。

又閱數月。乃始就緒。名曰元明清史略。其事簡。其文俚。其義淺。其卷帙不盈數寸。較全史直千百中一二。僅使童蒙知讀史之端緒而已。若夫綱目兼舉。本末畢備。則有全史在焉。豈斯書之所能盡哉。雖然。由端竟委。溯流窮源。博探乎全史之烟海。則庶乎得其津梁。而不迷于其方矣。古人曰。以管窺豹。雖未見其全體。亦足以知其一斑。



則史略之書其可少哉若夫清史則唯書其一斑以待全豹之出耳

明治十年六月十五日

桐陰 石邨貞一撰






歷代國號歌

粵稽盤古生太荒。嗣者天地人三皇。伏羲炎帝暨軒轅。堯舜相承五帝昌。夏商周秦西東漢。後漢魏吳三國判。漢亡于魏魏禪晉。晉遂平吳天下定。擾晉室者十七國。以後朝分為南北。南為東晉居金陵。宋齊接踵又梁陳。北則五胡并後魏。東魏西魏復如蝟。西禪于周東禪齊。周滅齊兮隋躡梯。隋復平陳始一統。未幾唐興歷數永。唐終五代多更變。梁唐晉漢周相戰。更兼列國勢瓜分。宋祖登基始大奠。金據汴梁宋南渡。北遼西夏兼侵侮。驅金滅宋是胡元。明滅元傳十六代。大清代明億萬世。試問古今甲子計。自堯至清皆可求。四千餘年真悠悠。



# 亞細亞小東洋圖

附元上中大都





# 大明一統二京十三省圖



高麗百濟新羅合為朝鮮

日本國

琉球 今三國曰中山曰山南曰山北 後合為一在禮儀明朝版也

- 府城
- 二京十三省府
- 州城
- 關門
- ◇ 衛所
- 夷狄




圖

三



# 清國道程圖



覽者宜先認二京十四省府城五  
兵四瀆五嶺四夷界察幅員廣狹  
水陸里數以知其形勢

日本海路  
東南有琉球  
舟行四路  
去福建三千里

○京省  
○府州  
○衛  
○五岳  
○五岑  
○四瀆  
○南夷  
朱訪  
道程



關氏囊越古有里千外南

東南抵東印度界

西抵暹度身界

西北愈葱嶺

格北印度界







下始爲元紀。此倣綱目之義例。續曾氏之史略也。明清接續亦倣此例。

一篇中或依原文或加節略。故文體不一。然書殂書死。若書征討侵伐等。悉用原文。不必有義例。

一清國近世之史書鮮有可觀者。蓋其有所諱而然耶。將雖有其書。不敢致諸我耶。是以篇中詳邊功武略之跡。略內閣獻替之事。非敢略也。無書之可徵也。

一天下後世自有公論。故今唯紀述當時言動。不敢爲一人一家之論。又不敢附他人論斷。

一是編皆就正史及各家紀述。集句成篇。實無一字

無來歷。仍揭所據之書於卷首。以示非臆造。

一篇中采摭未備。恩恩付梓。難辭固陋之譏。所望海內同志君子。時惠郵筒。匡其不逮。則幸甚。

明治十年六月一日 石村貞一 識







二十四朝捷錄

熹廟修補捷錄

三朝捷要

禪史

翎運錄

程濟從師記

御書採要

二祖列宗論斷

明臣論斷

仙史

樵史

南京功臣廟考

江西二忠臣廟考

元勳名佐考

屯政考

京營兵制考

邊事屯衛考

解大紳雜錄

漕河考議

海運說

宋瑾文集

天順記事

李卓吾藏書

輿圖備考

安南考

陔餘叢考

外史

太上感應註疏

費太史感應篇說

徐筆洞筆紀

袁了凡定數錄

遺史

逸史

詞林館課鴻章

名臣奏議

哈密考

智囊

朝鮮考

後一夕話

英烈傳

關壯繆續傳

明政統宗 涂山

毛將傳

頌天臚筆



谷霖蒼記事

樹影篇

六柳堂集

殉難錄

七政臺曆

忠孝傳

國變演義

明德公年譜

朱滄起五烈傳

明詩歸

鄒流綺遺聞

吳雞盤號天泣血書

泣鼎傳

周三原紀異

南都紀事

徐震 薛宋

甲申記事 王氏

浙東紀事

許子浹

華方若新書

閩中記事

曹能始 陳春軒

瞿常熟家傳

昭餘記事

毛錦來詩集

呂坦庵詩集

顧愚亭詩集

姓氏珠璣

百家姓彙考

閩書

何司空

寧波府志

張時徹

贛州府志

余文龍

金華府志

周宗智

海鹽縣志

樊維城

畿輔通志

于成龍

今獻備遺

頂篤壽

明名臣琬炎錄

徐鉉

國朝徵獻錄

明史

明史稿

明紀核實編

王顯晉

明鑑易知錄

明季南北略

計六奇

明記稗史

大明會典

累朝寶訓實錄

史外

汪有典



滿清紀事

清紀

三朝實錄

乾隆條例

東華錄

大清會典

聖武記

魏源

海國圖志

同上

水道考

汪日擘

貴州通志

衛既齊

河南通志

賈漢復

陝西通志

同上

江南通志

王新命

福建通志

金鉉

山西通志

穆爾賽

山東通志

趙祥星

廣西通志

吳興祚

廣東通志

范承勳

雲南通志

同上

浙江通志

施維翰

湖廣通志

徐國相

四川通志

廷相

國朝先正事略

地圖綜要

朱國達

林文忠公政書

戡靖教匪述編

石香村

粵匪南北紀略

姚憲之

勸戒圖說

張文啓

海國見聞錄

陳倫炯

夷匪犯境錄

楚南被難記

周志復

遐邇貫珍

天津勦寇紀略

吳惠元

北支那戰爭記

六合叢談

教會新報

香港華字日報

申報

萬國公報

中西聞見錄

格致彙編

皇朝武功紀盛

張翼

盾鼻隨聞錄

樗園退叟



通計一百四十八部

元明清史略

目錄

卷之一

元世祖 成宗 武宗 仁宗 英宗  
泰定帝 明宗 文宗 寧宗 順宗

卷之二

明太祖 建文帝 太宗 仁宗 宣宗  
英宗 景泰帝 英宗復位 憲宗

卷之三

孝宗 世宗 穆宗 神宗 光宗 熹宗  
毅宗 帝由松 帝聿釗 帝由榔



卷之四

清聖祖 世宗 高宗 仁宗

卷之五

宣宗 文宗 穆宗 光緒帝

目錄畢

元明清史略卷之一

長門

桐陰 石村貞一 編次

元

後字多天皇  
弘安三年世  
祖亡宋承正  
統

西域殺使者

世祖文武皇帝。姓奇渥溫。名忽必烈。憲宗同母弟也。其先世土伯特國之分支。而為蒙古部長。至也速該。吞併諸部。始疆大。子鐵木真深沉有大略。用兵如神。初以乃蠻部彊盛。事之甚謹。以乃蠻侵掠之。鐵木真乃大會屬部。伐以乃蠻。敗之。諸部悉潰。於是稱帝。於斡難河之源。是為太祖。太祖十四年。西域殺使者。太祖遂西征。師次鐵門關。命皇子朮赤。察合台。窩闊台。拖雷等。分兵攻玉龍傑。赤馬魯。察葉可。



太祖征東印度  
歸殂六盤山

等城十七年攻木剌彝國渡棚棚闌河與太祖會塔里寒寨遂定西域封朮赤于俄羅斯地方察合台于托克瑪克地方十九年太祖滅西夏至東印度國見角端始班師殂于六盤山第三子窩闊台立是為太宗有寬弘之量委任賢相耶律楚材庶民樂業時稱治平約宋滅金國勢愈昌太宗既殂皇后乃馬真氏臨朝稱制不立君者五年乃議立貴由號定宗三年而殂皇后海迷失抱太祖第四子曲出之子失烈門聽政諸王大臣皆不服更推太宗弟拖雷之長子蒙哥立之是為憲宗失烈門及諸弟不能平憲宗察之執主謀者誅之由是衆心始定憲宗命諸王旭烈兀等討西域諸國又西渡海轉戰万里遂以旭烈兀留鎮之

憲宗鎮內亂討  
西域諸國

世祖征大理

又遣太弟忽必烈征大理師出臨洮由六盤山踰土番經行劍外二千餘里既至忒刺分三道進至滿陀城過大渡河乘革囊及筏以濟又渡金沙江遂入大理留兀良合台鎮之而歸既而又奉命攻鄂州兀良合台亦自交廣入靜江府連破辰沅圍潭州遂至鄂與世祖會時憲宗南征至釣魚山而殂宋賈似道密遣宋京詣軍前請稱臣納幣割江南為界歲奉銀絹二十万匹兩不許適訃音至聞阿藍荅兒等謀立阿里不哥許似道和北歸至開平諸王大臣勸進乃即帝位建元中統初建太廟以開平府為上都以甲子年改元至元行新製蒙古字立諸路蒙古字學尋建國號大元遂繼宋而主中國混一寰區開十世之統緒世

行新製蒙古字  
建國號主中國



定每帝受戒例

至元十七年

帝幸上都

許衡致仕

祖素尚佛教。及得西域。欲因其俗。以柔其人。乃即其地。設官分職。盡領之。帝師初立。宣政院正使而下。必以僧為副。帥臣而下。亦必僧俗並用。于是帝師授玉印。國師授金印。其宣命亦與詔勅並行。以每帝將立。必先詣帝師受戒。為恒例。○至元十七年二月。日本國殺國使杜世忠等。征東元帥忻都洪泰丘請自率兵往討。廷議姑少緩之。○三月。帝如上都。○七月。以郝禎耿仁為左丞。阿合馬貪橫益肆。援引二人驟升同列。交為蒙蔽。培斂日急。內通貨賄。外示威刑。廷中相視無敢言者。○八月。集賢大學士兼國士祭酒許衡致仕。衡以疾乞致仕。皇太子請以其子師可為懷孟路總管。以便待養。且遣使諭之曰。公毋以道不行為憂。

帝還大都

擊日本

行授時曆

廉希憲卒

竇默卒

也。公安則道行有時矣。○九月。帝還大都。至元元年以燕京為中都。大都府同九年改。○十月。以阿剌罕為右丞相。復大發兵擊日本。○十一月。行授時曆。漢以後曆法經七十改。汴宋舊儀今多不協。乃郭守敬與日官陳鼎臣等創造儀像。徧參曆法。酌取中數。成新曆。上之。其法視古皆密。可以施之永久。無弊。賜名曰授時。頒之天下。○平章政事廉希憲卒。伯顏曰。廉公宰相中真宰相。男子中真男子。世以為名言。○十二月。昭文館大學士竇默卒。默為人樂易。平居未嘗出一言。方人物至。論國家大計。面折廷諍。人謂可比汲黯。帝嘗曰。朕求賢三十年。得一竇漢卿及李俊民。又曰。如竇漢卿之心。姚公茂之才。合而為一。可謂全人矣。○十八年二月。



崩 皇后宏吉刺氏

皇后宏吉刺氏崩。后性明敏達於事機。國家初政。左右匡正。與有力焉。宋亡。幼主入朝。后不樂。帝曰。江南平。自此不用兵甲。人皆喜之。爾何獨不樂。后曰。自古無千歲之國。母使吾母子及見此。則幸矣。帝以宋府庫物置殿庭。召后視之。后一視而反。帝問。后何欲。后曰。宋人貯蓄以貽子孫。子孫不能守而歸於我。我又何忍取之邪。宋太后全氏至京。不習風土。后屢奏乞令回江南。帝不允。后退亦厚待之。初。宏吉刺之族從太祖起兵有功。尋立其女為后。后遂與約曰。宏吉刺氏生女。世以為后。生男。世尚公主。故元世諸后多其族焉。○三月。許衡卒。衡病革。家人祀先。衡曰。吾一日未死。寧不有事於祖考。起奠獻如儀。既撤而卒。年七十二。衡

許衡卒

征日本兵大敗  
得還者財三人

嘗語其子曰。我平生虛名所累。竟不能辭官。死後慎勿請謚。勿立碑。但書許某之墓四字。使子孫識其處足矣。○八月。諸將棄師於海嶋而還。初命阿刺罕范文虎等率兵十餘萬擊日本。阿刺罕卒于軍。於是詔左丞相阿答海代之。未至。文虎等已航海至平壺嶋。遇颶風。敗舟。諸將各擇堅艦乘之遁去。棄士卒十餘萬于嶋。衆推張百戶者為帥。方伐木作舟為歸計。日本覘知之。率衆襲殺殆盡。惟餘南人萬餘。不殺而奴之。未幾得還者財三人。○十月。焚毀道書。帝方信桑門之惑。詔樞密副使張易參校道書。言惟道德經為老子所著。餘皆後人偽撰。詔悉焚之。○十九年二月。帝如上都。○三月。益都千戶王著殺阿合馬於闕下。詔戮

焚毀道書

帝幸上都



戮阿合馬屍

帝還大都  
俱藍國入貢

殺宋少保樞密  
使信國公文天  
祥

阿合馬屍遂窮治其黨阿合馬死帝猶不深知其姦及詢樞密副使孛羅乃盡得其罪惡始大怒曰王著殺之誠是也命發塚剖其棺戮屍於通玄門外縱犬食之四民聚觀稱快并誅其子忽辛等四人尋令中書悉罷黜其黨與又以郝禎耿仁黨惡尤甚命剖禎棺戮其屍下耿仁於獄誅之○八月帝還大都○九月俱藍國入貢○詔諸路歲舉儒吏各一人○十二月殺宋少保樞密使信國公文天祥時有閩僧言土星犯帝座疑有變未幾中山有狂人自稱宋主有衆千人欲取丞相京城亦有匿名書言某日燒襄城葦率兩翼兵爲亂丞相可無憂者朝廷疑之遂撤葦城葦遷瀛國公及宋宗室於上都疑丞相爲天祥乃召天祥

天祥忠義之氣  
著於詩歌

入諭之曰汝移所以事宋者事我當以汝爲相矣天祥曰天祥爲宋宰相安事二姓願賜之一死足矣帝猶未忍遽麾之退左右力贊從其請遂詔殺之於都城之柴市天祥臨刑殊從容謂吏卒曰吾事畢矣南向再拜死年四十七其衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧其妻歐陽氏收其屍面如生天祥爲人豐下兩目炯然博學善論事作文未嘗起草尤長於詩居獄四年忠義之氣一著於詩歌累數十百篇至是兵馬司籍所存上之觀者無不流涕悲慟有得其一履者亦寶藏之尋有義士張毅甫者負其骨歸葬吉州適家人自廣東奉其母曾夫人之柩同日至城



徵處士劉因為石贊善大夫

下人以為忠孝所感云○徵處士劉因為右贊善大夫尋辭歸○詔御史臺得自選其屬初御史唯用漢人至是崔彧請參取蒙古人用之又言臺察之選正由中書寧無偏黨之弊今宜令本臺得自選任既而江淮省臣有欲專恣而忌臺察之言者上議欲以行臺隸行省詔廷臣雜議兵部尚書董文用曰御史臺譬之卧虎雖未噬人人猶畏其虎也今虎名僅存而綱紀猶不振更加抑之則風采蕭然無復可望矣此不可行也從之○二十年正月詔停燕南河北山東租賦○三月命高麗王昉及阿答海發兵擊日本民不勝厭苦中丞崔彧言江南相繼盜起皆緣募水手造海船民不聊生日本之役宜姑止之不聽○四月罷採

復擊日本

立規措所

太子真金卒

民間女子○二十一年正月群臣上尊號時議欲肆赦張雄飛諫曰古人言無赦之國其刑必平故赦不平之政也聖明之世豈宜數赦上納之遂止下輕刑之詔○七月詔鎮南王脫歡假道安南擊占城○二十二年二月立規措所規畫錢穀○十二月太子真金卒太子初從姚樞竇默學仁孝恭儉尤優禮大臣一時在師友之列者非朝廷名德則布衣節行之士在中書日久明於聽斷聞四方科徵輓漕造作和市有係民之休戚者多奏罷之中外歸心焉江南行省以歲課羨鈔四十七萬貫來獻太子怒曰朝廷但令汝等安百姓百姓安錢糧何患不足百姓不安錢糧雖多能自奉乎盡卻之時帝春秋高南臺御史上書請內



作資戒會  
罷征日本

擢用江南才子  
二十餘人

禪太子聞之懼臺臣寢其章不敢聞而阿合馬之黨答即古阿散等請收百司吏案鉤考天下錢穀欲因以發之都事尚文曰是欲上危太子下陷大臣其謀姦矣遂語御史大夫及丞相先入言之以奪其謀帝震怒曰汝等無罪邪丞相進曰臣等無所逃罪但此輩名載刑書而為此舉實動搖人心耳太子益憂懼不自安尋卒年四十三○集僧四萬作資戒會○二十三年正月罷征日本○三月遣侍御史程文海訪求江南人才先是文海為集賢直學士言省院諸司皆用南人惟御史臺按察司無之江南風俗南人所請亦宜參用之至是詔文海仍集賢直學士拜侍御史行御史臺事往江南博采知名之士帝素聞趙孟適葉

設儒學提舉司

徵宋謝枋得不  
至

李名密論文海必致此二人文海復薦宋宗室趙孟頫及張伯淳等二十餘人帝皆擢用之○二十四年二月設江南各路儒學提舉司時江南諸縣各置教諭二人又用廷臣議諸道各置提舉司舉儒學二人統諸路府州縣學祭祀錢糧之事未幾復從梁哥等言鉤考江南學田所入羨餘貯之集賢院以給有才藝之士○二十五年四月徵宋江西招諭使知信州謝枋得辭不至初枋得遁入建陽時程文海至江南訪求人才薦宋遺士三十人枋得亦在列枋得方居母喪遺書文海曰某所以不死者以九十三歲之母在耳先妣以今年二月考終某自今無意人間事矣亡國之大夫不可與圖存李左車猶能言之況稍知詩書



置徵理司

頗識義理者乎。某之至愚極闇，決不可以辱召命，亦明矣。既而留夢炎亦力薦之於上，枋得復遺書夢炎言：江南無人才，未有如今日之可耻。春秋以下之人物，本不足道。今欲求一人如瑕呂飴甥、程嬰、杵臼，廝養卒亦不可得。辨論凡數千百言，卒不行。○九月，置徵理司。十月，遣使鉤考諸路錢穀。初，乘哥摘委六部鉤考百司倉庫財穀，復以為不專其任，置徵理司以主之。行臺御史程文海入朝言：天子之職莫大於擇相，宰相之職莫大於進賢。宰相不以進賢為急，而惟以貨殖為心，非為上為德為下為義之意。令權姦用事，立尚書省鉤考錢穀，以割剝生民為務。所委任者，率皆貪饕邀利之人。江南盜賊竊發，良以此也。臣竊以為

宋謝枋得死節

宜清尚書之政，損行省之權，罷言利之官，行恤民之事。榮哥大怒，留京師不遣。奏請殺之者六，帝皆不允。○遣瀛國公趙鼎學佛于吐蕃。○二十六年正月，開河以通運漕。○四月，福建參知政事魏天祐執宋謝枋得至燕，不屈死之。初，天祐見時方求才，欲薦枋得為功，遣使誘枋得入城，與之言，坐而不對。或嫚言無禮，天祐不能堪，乃讓曰：封疆之臣當死，封疆安仁之敗，何不死？枋得曰：程嬰、公孫杵臼二人皆忠於趙，一存孤，一死節，王莽篡漢，龔勝餓死，司馬子長云：死有重於泰山，輕於鴻毛。參政豈足知此？天祐怒逼之北行，枋得以死自誓，自離嘉興不食二十餘日，不死，乃復食。既渡采石，惟茹少蔬果，積數月，因殆。本月朔至燕，問



太后攢所及瀛國所在再拜慟哭疾甚留夢炎使醫持藥雜米飲進之枋得怒擲之於地不食五日死于定之護骸骨歸葬信州枋得天資嚴厲雅負奇氣風岸孤峭不能與世軒輊而以天時人事推宋必亡於二十年後每論樂毅申包胥張良諸葛亮事常若有千古之憤者而以植世教立民彝為任貴富賤貧一不動其中初枋得之北行也貧苦已甚衣結履穿人有嘗德之者賙以金帛辭不受又為詩別其門人故友時以為讀其辭見其心慷慨激烈真可以使頑夫廉懦夫立云○十二月帝幸大聖壽萬安寺詔天下梵寺所貯藏經集僧誦之仍給所費歲為例○二十七年四月河北十七郡蝗○二十八年正月桑哥及阿魯

帝幸萬安寺

罷徵理司

復徵劉因不至

擊瓜哇

渾薩里葉李以罪免學士趙孟頫說奉御徹里劾之也○二月罷徵理司○五月逮西僧楊璉真加下獄尋釋之楊璉真加發宋諸陵及其大臣塚墓攘取金寶珠玉無算私庇平民之不輸賦者二萬三千戶田土稱是及受美女寶物之獻藏匿未露者尤多至是坐侵盜官物逮問追治籍其妻孥田畝臺省諸臣皆言宜誅之以謝天下帝不聽命釋之給還其所籍○復徵劉因為集賢學士不至以疾固辭帝聞之曰古有所謂不召之臣其斯人之徒歟遂不强致之○二十九年二月以亦黑迷失史弼高興並為福建行省平章政事將兵擊瓜哇○三十年二月以楊璉真加子暗普為江浙行省左丞尋以江南民怨楊璉真加不已



劉因卒

罷之。○四月劉因卒。○十月。彗出紫微垣。帝憂之。夜召不  
 忽木入禁中。問所以銷天變之道。不忽木曰。風雨自天而  
 至。人則棟宇以待之。江河為地之限。人則舟楫以通之。天  
 地有所不能者。人則為之。此人所以與天地參也。且父母  
 怒。人子不敢疾怨。起敬起孝。故易曰。君子以恐懼修省。詩  
 曰。敬天之怒。三代聖王克謹天戒。鮮有不終。漢文之世。同  
 日山崩者。二十有九。日食地震。頻歲有之。善用此道。天亦  
 悔禍。海內乂安。此前代之龜鑑也。願陛下法之。因誦文帝  
 日食求言詔。帝悚然曰。此言深合朕意。可復誦之。遂論說  
 至四鼓。乃罷。○三十一年正月。帝崩。在位三十一年。壽八  
 十。改元者二。曰中統。至元。上度量弘廣。知人善任。信用儒

伏見天皇永  
仁三年即位

術。又尚佛教。設學校。建寺院。愛養黎庶。每遇災傷。免租賑  
 飢。惟恐不及。故能用夏變夷。混一區宇。平綱陳紀。所以為  
 一代之制者。宏遠矣。皇孫鐵木耳。自軍中奔喪。即帝位。是  
 為成宗皇帝。

成宗皇帝。名鐵木耳。世祖之孫。太子真金第三子也。世祖崩

時。在于上都。宗室諸王會于上都。定策之際。親王有違言  
 者。玉昔帖木兒曰。官車晏駕。神器不可久虛。且昔太子寶  
 既有所歸。晉王宗盟之長。何俟而不言。伯顏亦握劍立殿  
 陛。宣揚顧命。述所以立皇孫之意。辭色俱厲。諸王皆股栗。  
 趨殿下拜。皇孫遂即位。○平章政事伯顏卒。○元貞元年  
 二月。翰林學士承旨雷夢炎致仕。上以其在先朝。言無所

元貞元年



趙孟頫論留葉優劣

大德元年

李元禮諫太后幸五臺山

隱厚賜遣之初世祖嘗問夢炎葉李優劣於趙孟頫對曰  
 夢炎臣之父執其人重厚篤於自信奸謀能斷有大臣器  
 葉李所讀之書臣皆讀之所能臣皆知之能之世祖  
 曰汝以夢炎優於李邪夢炎為宋狀元至宰相當賈似道  
 誤國依阿取容李以布衣乃伏闕上書是賢於夢炎也○  
 三月安南入貢○六月陝西旱饑○大德元年正月太后  
 幸五臺山初為太后建寺於五臺山至是成太后將臨幸  
 之監察御史李元禮上疏言五臺山創建寺宇工役俱興  
 供億煩重民不聊生伏聞太后臨幸五臺尤不可者有五  
 盛夏禾稼方茂民食所仰騎從經過無不蹂躪一也親勞  
 聖體經冒風日往復數千里山川之險萬一調養失宜悔

侍御史萬僧譜中丞崔瑒

將何及二也天子舉動必書簡冊以貽萬世書而不法將  
 焉用之三也財不天降皆出於民今日支持調度百倍曩  
 時而又勞民傷財以奉土木四也佛以慈悲為教雖窮天  
 下珍玩供養不為喜雖無一物為獻亦不怒今太后欲為  
 兆民祈福而先勞聖體使天子曠定省之禮五也伏望回  
 轅中道端處深宮上以循先皇后之懿範次以盡聖天子  
 之孝誠下以慰元元之望如此則不祈福而福自至矣臺  
 臣不敢以聞其後侍御史萬僧與中丞崔瑒有隙取元禮  
 章封入奏之曰崔中丞私比漢人李御史為大言謗佛謂  
 不宜建寺帝大怒敕完澤不忽朮鞠之完澤曰往吾亦嘗  
 以此諫太后曰我非喜建此寺蓋先帝嘗許為之非汝所



禁諸王駙馬奪民田

定歲課三十取

知也不忽朮曰他御史懼不敢言言者惟一元禮可賞也  
 完澤等入言之帝沉吟良久曰御史言是也乃罷萬僧復  
 元禮職○十月以吳元珪為吏部尚書時選曹銓注多私  
 其鄉人者元珪曰此風不可長自視事請謁悉皆謝絕○  
 禁諸王駙馬奪民田○二年二月以張九思梁德珪並為  
 平章政事初太子真金卒朝議欲罷詹事院九思時為詹  
 事丞抗言曰皇孫宗社人心所屬詹事所以輔成道德者  
 奈何罷之尋進拜中書左丞德珪世祖時參知政事治事  
 有敏才京師地震世祖怪州郡報囚之數過多德珪曰當  
 國者急於徵索蔓延收繫以致此爾帝悟為赦中外逋負  
 尋拜右丞○十二月定歲課三十取一○命廉訪司歲舉

定律令

僧寧一山使日本不還

平章軍國事不忽朮卒

廉幹者各二人○三年二月命何榮祖等定律令曰律令  
 良法也宜早定之既而書成上之且言臣所擇者三百八  
 十條一條有該三四事者帝曰古今異宜不必相沿詔元  
 老大臣聚聽之未及頒行而榮祖卒○三月命江浙釋教  
 總統僧寧一山使日本初世祖以兵數敗衄其不可力取  
 更遣補陀僧如智及王積翁等往諭皆不達世祖不遂其  
 志而崩至是帝欲成世祖遺意命寧一山齋詔書往日本  
 一山留不復命日本亦不至○十二月命海山鎮漠北海  
 山帝兄答剌麻八剌之長子帝以寧遠王闊闊出總兵北  
 邊怠於備禦命海山即軍中代之○四年五月昭文館大  
 學士平章軍國事不忽朮卒初世祖每聞不忽朮之言必



收富民護持璽書

嘆曰恨卿生晚不得早聞此言然亦吾子孫之福臨終以白壁遺之曰他日持此以見朕也不忽木雖歷顯要而家素貧卒無以葬賜鈔賻之贈魯國公諡文貞○五年以歲凶禁酒仍弛山澤之禁聽民漁獵○六年正月詔收富民護持璽書帝詔臺臣曰聞江南富民侵占民田致貧者流徙卿等亦聞之否對曰富民多乞護持璽書依倚以欺貧民官府不能詰治宜悉追收為便命即行之毋越三日○五月太廟寢殿災○七年二月汰諸司冗員定中書省自左右丞相而下平章政事二員左右丞各一員參知政事二員定為八府○三月遣使巡行天下罷贓污官吏萬八千四百七十三人審冤獄五千百七十六事○蘭溪處士

太廟寢殿災

蘭溪處士金履祥卒

金履祥卒履祥少從學同郡王柏及何基之間二人得朱熹之傳者宋將亡遂絕意進取屏居金華山中嘗以劉恕記司馬氏通鑑以前事不本於經舛謬不可信斷自尚書旁采子史損益之作通鑑前編他如論孟大學諸經傳及禮樂書各有注疏授其門人許謙以傳當時以為基之清介純實似尹和靖柏之高明剛正似謝上蔡履祥則親得之二氏而並克於己者也居仁山之下學者因稱仁山先生至正中賜諡文安○八月地震平陽太原尤甚村堡移徙地裂成渠壞廬舍萬八百區人民壓死不可勝計詔問致災之由齊履謙言地為陰而主靜妻道臣道子道也三者失其道則地為之不寧弭之之道大臣當反躬責己去

地震



專制之威以答天變不可徒為祈禳也時帝寢疾宰臣及中官專政故履謙言及之而集賢大學士陳天祥亦上書極陳陰陽不和天地不位為時政之弊言尤切直執政者惡之抑不以聞天祥自被召起且一歲每以不得一見帝言鬱鬱不自釋尋復謝病歸○八年十月立海山為懷寧王○九年四月始定郊祀禮○六月立子德壽為皇太子○八月西域賈人有獻珍寶求售者議以六十萬錠酬其直省臣有謂左丞尚文者曰此所謂押忽大珠也六十萬酬之不為過矣文問何所用之答曰含之可不渴熨面可使目有光文曰一人含之千万人不渴則誠寶也若一寶止濟一人則用已微矣吾之所謂寶者米粟是也有之則

定郊祀禮

左丞尚文論寶珠功用

皇太子卒

百姓安無則天下亂以功用較之豈不愈於彼乎○十二月皇太子德壽卒○十一年正月帝崩在位十三年年四十二改元者二曰元貞曰大德帝承混一之後憂國愛民為太后建寺每作佛事輒釋罪囚真守成令主末歲寢疾沉諂諛之詞牽帷牆之制赤子阽危寇氛四起其不遽亡國者蓋去世祖未遠初政猶可觀爾皇姪懷寧王即位于上都是為武宗皇帝

花園天皇延慶元年即位

武宗皇帝名海山成宗兄答剌麻八剌之長子也初成宗崩左丞相阿忽台等謀奉皇后臨朝以安西王攝政右丞相哈刺哈孫遣使迎帝於漠北及其弟愛育黎拔力八達於懷州后以已嘗謀出愛育黎拔力八達及其母居懷州至



是恐其兄立必報前怨乃命召安西王入京師欲立之而左丞相阿忽台平章賽典赤八都馬辛伯顏及諸王明里帖木兒陰左右之謀斷帝歸路右丞相哈刺哈孫收百司符印封府庫稱疾守宿掖門內旨日數至皆不聽衆欲害之未敢發帝適遣康里脫脫計事京師哈刺哈孫令急還報復遣使南迎愛育黎拔力八達於懷州二月愛育黎拔力八達至自懷州誅阿忽台等執安西王歸於上都五月帝至上都廢皇后伯岳吾氏誅安西王及諸王明里帖木兒而即位大赦○六月立弟愛育黎拔力八達為皇太子時有進大學衍義者命詹事王約等節而譯之皇太子曰治天下此一書足矣尋刊行賜臣下○七月加孔子號曰

誅阿忽台廢皇后伯岳吾氏

加孔子號曰大成

大成制曰先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也可加大成至聖文宣王遣使闕里祀以太牢於戲父子之親君臣之義永為聖教之遵天地之大日月之明奚罄名言之妙尚資神化祚我皇元○八月賜諸王孝經中書右丞孛羅帖木兒以國字譯孝經進詔曰此孔子微言王公庶民皆當由是而行命刻板摹印諸王以下咸賜之○十二月徵處士蕭爨為太子右諭德爨陝西奉元人初出為府吏語當道不合即引退力學三十年不求進鄉人有暮行遇盜詭曰我蕭先生也盜驚愕釋去世祖時辟為陝西儒學提舉不赴後累授集賢直學士國子司業

賜諸王孝經

蕭爨書酒詰為獻



至大元年

阿沙不花陳酒色之害

改集賢侍讀學士皆不赴。至是徵拜太子右諭德。扶病至京師。入覲東宮。書酒詰為獻。以朝廷時尚酒也。尋以病請解職。或問之。則曰。禮東宮東面。師傳西面。此禮今可行乎。俄擢集賢學士。國子祭酒。依前右諭德。疾作。固辭而歸。卒。諡貞敏。○至大元年正月。以阿沙不花為右丞相。行御史大夫事。初。阿沙不花見帝容色日悴。乘間進曰。陛下八珍之味。不知御。萬金之身。不知愛。惟麪藥是好。妃嬪是耽。是猶兩斧伐孤樹。未有不顛仆者。陛下縱不自愛。獨不思祖宗付託之重。天下仰望之切乎。帝大悅。曰。非卿孰為朕言。因命進酒。阿沙不花頓首謝曰。臣方欲陛下節飲。而反勸之。是臣之言不信於陛下也。臣不敢奉詔。左右皆賀。帝得

李邦寧為大司徒左丞相

直臣。遂授右丞相。行御史大夫事。尋以太子請。復入中書。既又賜爵康國公。○六月。加宦者李邦寧大司徒兼左丞相。邦寧在宋為小黃門。初從瀛國公。入見世祖。畱給事內庭。至是帝欲以為浙江平章。辭曰。臣以闈腐餘命。前朝赦而用之。今陛下復欲置臣宰輔。臣聞宰輔者佐天子。共治天下者也。奈何辱以寺人。陛下縱不臣。惜如天下後世何。誠不敢奉詔。帝大悅。加大司徒。遙授左丞相。仍領大醫院事。○八月。諸路水旱蝗。江淮民採草根樹皮為食。而河南山東有父食其子者。詔凡遣使賑貸之處。差稅並蠲除之。既而省臣言。夏秋之間。鞏昌地震。歸德暴風。濟寧泰安真定大水。民居蕩析。江浙飢荒之餘。疫癘大作。死者相枕籍。

諸路水旱蝗



置太子右衛率府

父鬻其子。夫離其妻。哭聲震野。所不忍聞。是皆臣等不才。猥當大任。以致政事乖違。陰陽失序。願退位以避賢路。帝曰。災害事有由來。非爾等所致也。但當慎所行爾。○閏十一月。詔有司贖飢民所鬻子女。○二年八月。置太子右衛率府。命右丞相脫虎脫御史大夫不里牙敦領府事。取河南蒙古軍萬人。隸之。王約曰。左衛率府舊制有之。今置右府。何為。諸公深思之。不可以累儲宮也。太子又命取安西兵器。給宿衛士。約謂詹事完澤曰。詹事移文千里。取兵器。人必驚疑。主上聞之奈何。完澤愧曰。實慮不及此。家令薛居言。陝西分地五事。命往理之。約不為署行。語之曰。太子潛龍也。當勿用之時。為飛龍之事。可乎。遂止。太子喜。諭群

李孟為平章政事

下。曰。事未經王彥博議者。勿啓。彥博。約字也。○三年正月。徵李孟入見。以為平章政事。同知樞密院事。初。孟既逃去。有譖於帝者。曰。內難初定時。孟嘗勸皇太子自取。帝弗之信。一日。太子侍內宴。忽戚然改容。帝曰。吾弟何不樂。太子從容起謝曰。賴天地祖宗神靈。神器有歸。然成今日。母子兄弟之懽者。李道復之功居多。適思之。不自知其變於色也。帝即命搜訪之。得於許昌。陘山召見。謂宰臣曰。此皇祖妣命為朕賓師者。宜速任之。至是。乃有此命。○四年正月。帝崩。在位四年。壽三十。改元者一。曰。至大。帝慨然欲創治。改法。而有為。故其封爵太濫。賜賚太泛。至元大德之政。於是稍有變更。猶崇佛教。置帝師國師。其宣命與詔勅並行。



如故云皇太子即位是為仁宗皇帝

花園天皇正和元年即位

仁宗皇帝名愛育黎拔力八達武宗同母弟也武宗崩帝罷

罷尚書省

尚書省誅脫虎脫三寶奴樂實保八王罷流忙哥鐵木兒于海南帝以脫虎脫等變亂舊章流毒百姓凡誤國者欲悉按誅之延慶使楊朶兒只諫曰為政而首尚殺非帝王之治也帝感其言特誅其尤者既而御史言脫虎脫等既正典刑而黨附之徒布在百司若孛羅鐵木兒闊里吉思烏馬兒等姦貪害政今中書方欲用為各省平章參政等官宜加罷黜從之○召先朝舊臣程鵬飛董士選李謙張驢陳天祥尚文劉正郝天挺董士珍蕭輿劉敏中王思廉韓從益趙君信程文海十五人詣闕同議庶政天祥等五

召先朝舊臣議庶政

宦者行釋奠禮

人不至謙至首陳九事正陳八事皆欲朝廷守成憲開賢路重名爵節財用興學校定律令舉切時弊○三月帝即位大赦○遣宦者李邦寧釋奠于孔子邦寧既受命行禮方就位忽大風起殿上及兩廡燭盡滅燭臺底鐵鐃入地尺許無不拔者邦寧悚息伏地諸執事者皆伏良久風息乃成禮邦寧因慚悔累日初帝在東宮邦寧知三寶奴等畏帝英明乘間言於武宗曰陛下富於春秋皇子漸長父作子述古之道也未聞有子而立弟者武宗不悅曰朕志已定汝自往東宮言之邦寧慚懼而退及帝即位左右咸請誅之帝曰帝王曆數自有天命其言何足介懷加邦寧開府儀同三司為集賢院大學士尋卒○閏七月賜李孟

加邦寧開府儀同三司為集賢院大學士



賜李孟爵秦國公

爵秦國公孟感帝知遇頗以國事為己任見當時賜予太  
 廣名爵太濫風俗太僭擬無章每勸帝言人君之柄在刑  
 與賞刑不足懲賞不足勸何以為治帝在懷州深見吏弊  
 既即位欲痛剷除之孟曰吏亦當有賢者在激勵之而已  
 帝曰卿儒者宜與此曹氣類不合而曲為保護如此真長  
 者之言也嘗謂之曰朕在位必卿在中書賜爵秦國公圖  
 其像命詞臣贊之每入見稱曰道復而不名○增國子生  
 為三百人初帝命李孟領國子學諭之曰國學人才所自  
 出卿宜數課諸生勉其德業至是又諭省臣曰昔世祖注  
 意國學如不忽朮等皆蒙古人而教以成材朕今親定國  
 子生為三百人仍增陪堂生二十人通一經者以次補伴

增國子生仍設陪堂生

皇慶元年

進翰林國史院秩

讀著為式既而孟等言方今進用儒者而老成日以凋謝  
 四方儒士有成材者請擢任國學翰林秘書太常或儒學  
 提舉等職俾學者有所激勸帝從之○皇慶元年正月制  
 進翰林國史院秩諭省臣曰翰林集賢儒臣須朕自選用  
 毋輒擬奏人言御史臺任重朕謂國史院尤重蓋御史臺  
 是一時公論國史院是萬世公論於是陞翰林國史院秩  
 從一品尋敕博選中外才學之士居之○六月敕左右勿  
 僥倖乞加官時朝廷封拜繁多群臣無功而受王公之爵  
 者前後相繼於是誠左右勤職業勿妄僥倖加官御史中  
 丞郝天挺言自先帝即位之時大事初定故於左右三五  
 有功之人爵之太高遂使近倖之臣因而相襲王公師保

郝天挺請慎惜名器



復請久任內外官

接迹於朝。比者雖令追印裁罷。曾未經歲。又復紛然。春秋云。服之不衷。身之災也。是以朝廷名器重。則斗升之祿。足以鼓舞豪傑。名器濫。則雖日拜卿相。而人不勸矣。又言。國初設官。在內須三十月。在外須三周歲。考其殿最。以為黜陟。比者省院臺部之臣。久者一二歲。少者三五月。甚有旬日之間。而屢遷數易者。奔走往來。之不暇。何暇宣風布化。參理機務哉。乞自今惟大臣可急闕選授。其餘內外大小官屬。必俟任滿。方許超遷。庶免朝夕改啓。倖長奸之弊。

○十二月。李孟罷。以張珪為平章政事。帝欲以伶人曹咬住為禮部尚書。珪曰。伶人為宗伯。何以示後世。力諫止之。

○二年二月。彗出東井。丞相禿忽魯言。頻年亢旱。民黎艱

李孟罷

彗出東井

十賢從祀  
詔行科舉

食而又隕霜雨。沙天象示警。皆由臣等變理。不識所致。乞罷黜以答天譴。帝曰。事豈關汝。其勿復言。○六月。詔以周敦頤。程顥。程頤。張載。邵雍。司馬光。朱熹。張栻。呂祖謙。許衡。並從祀孔子廟庭。○十一月。詔行科舉。初世祖時。議定科舉新制。未及行。至是中書省臣復以為言。乃命定其條制。詔天下三歲一開科。蒙古色目人與漢人南人各命題。蒙古色目人願試漢人南人科目。中選者加一等注授。○京師大旱。疫。帝問弭災之道。翰林學士程鉅夫舉湯禱。蔡林事以對。帝歎曰。此實朕之責也。赤子何罪。明日大雪。○延祐元年冬。詔吏坐贓罪者。黜其面。○十二月。以齊履謙為國子司業。初履謙與吳澄俱在國學。既罷去。學制稍廢。至

延祐元年



立升齋積分之

法

是復以履謙為司業。乃酌舊制。議立升齋積分之法。每季考其學行。以次第升。既升上齋。踰再歲始與私試。辭理俱優者。一分。辭平理優者為半分。歲終積至八分者為高等。禮部集賢歲選六人以貢。帝從其議。○二年正月。遣使巡行天下。分十二道。問民疾苦。黜陟官吏。○五月。成紀縣山移。是夜疾風雷電。北山南移。至西河川。次日再移。平地突出土阜。高者二三丈。陷沒民居。監察御史馬祖常言。山不動之物。今而動焉。由在野有當用不用之賢。在官有當言不言之佞。故致然耳。○十一月。立武宗子。和世球為周王。出鎮雲南。初武宗既立。帝為太子。後丞相三寶奴復勸立和世球。召康里脫脫。言之。脫脫曰。太弟曩定宗社。居東宮。

成紀縣山移

封和世球為周王出鎮雲南

郭守敬卒

趙孟頫為翰林學士

已久。兄弟叔姪。世世相承。孰敢紊其序乎。三寶奴曰。今日兄已授弟。異日能保叔授其姪乎。脫脫曰。在我不可渝。彼失其信。天實鑒之。至是議立太子。丞相鐵木迭兒欲微寵。請立皇子碩德八剌。又與太后幸臣失烈門譖王於兩宮。遂封為周王。出鎮雲南。○三年三月。太史令郭守敬卒。守敬之學。長於天文水利。太史令王恂以學自負。每見守敬。制度精巧。深嘆服之。○十月。以趙孟頫為翰林學士。承旨。帝在東宮。素知其名。及即位。召除集賢侍講學士。至是拜翰林學士。承旨。有間之者。言國史不宜令孟頫與。帝曰。子昂。世祖所簡拔。朕置之館閣。使典述作。傳之後世。此嗚嗚何也。復厚賜之。○十一月。周王和世球。逃居漠北。○立子



立皇太子

帝露香禱雨

碩德八刺為皇太子。○四年三月。帝如上都。四月不雨。帝嘗夜坐。謂侍臣曰。雨暘不時。奈何。蕭拜住曰。宰相之過也。帝曰。卿不在中書耶。拜住惶愧。頃之。帝露香禱於天。既而大雨。左右以雨衣進。帝曰。朕為民祈雨。何避焉。○五月。鐵木迭兒罷。○七月。帝出見衛士。有弊衣者。駐馬問之。對曰。戍守邊鎮。踰十五年。以故貧耳。帝曰。此輩久勞於外。畱守臣未嘗以聞。非朕親見。何由知之。自今有類此者。必言於朕。因命賜之錢帛。○八月。帝還大都。帝在御已久。猶居東宮。而飲酒無度。監察御史馬祖常上書言。天子承天繼統。當極保愛。玉食之御。猶審五味之宜。酒醴之供。可不思百拜之義。大內正衙朝賀之地。雖陛下不忘東宮之舊。竊慮

馬祖常諫飲酒及居東宮

伯答沙為右丞相

起民間觀聽之疑。且國家百年朝儀尚闕。誠使群臣奏對之際。御史執簡。史官執筆。則雖有懷奸利。乞官賞者。不敢出諸其口。乞令中書集議。或三。日。二。日常出視朝。則治道昭明。生民之福也。○九月。以伯答沙為右丞相。阿散復為左丞相。初。阿散奏事畢。帝問曰。卿等曰。所行者何事。對曰。奉行詔旨而已。帝曰。卿等何嘗奉行朕旨。雖祖宗遺訓。朝廷法令。皆不遵守。夫法者。所以辨上下。定民志。自古未有法不立而天下治者。使人君制法。宰相能守法。則民知畏。避免於刑戮。若法弛。民慢。怨言並興。求治難矣。阿散因言。故事。丞相必用蒙古勲臣。阿散。西域人。不厭人望。因懇辭。遂以宣徽使伯答沙為右丞相。阿散為左丞相。○五年。二



寫金字佛經

趙世延論鐵木迭

詔太子參決朝政

月魯帖木兒議太上皇之號

月。寫金字佛經。○九月。大司農賈住等進司農丞苗好謙所撰栽桑圖說。帝曰。農桑衣食之本。此圖甚善。刊行而散之。民間。○六年。四月。以鐵木迭兒為太子太師。鐵木迭兒家居未逾年。復夤緣起為太師。中外聞之。莫不驚駭。時御史中丞趙世延論其不法數十事。並內外臺劾其不可輔導。東宮者。又四十餘人。然以太后之故。皆不聽。○十二月。詔太子參決朝政。帝語左右曰。前代皆有太上皇之號。今太子且長。可居大位。朕欲為太上皇。與若等游觀西山。以終天年。群臣皆稱善。右司郎中月魯帖木兒曰。臣聞昔所謂太上皇。若唐玄宗。宋徽宗。皆當禍亂不得已而為之。願陛下正大位。保無疆之業。前代虛名何足慕哉。帝乃止。○

七年正月。帝崩。在位九年。壽三十六。改元者二。曰皇慶。延祐。帝天性恭儉。通達儒術。兼曉佛典。不事遊畋。不喜征伐。不崇貨利。賜各寺田地。定佛事用蔬食制。事皇太皇。終身不違顏色。待宗戚勳舊。始終以禮。有司奏大辟。每慘惻移時。其孜孜為治。一遵世祖成憲云。皇太子即位。是為英宗皇帝。

後醍醐天皇元亨元年即位

英宗皇帝。名碩德八剌。仁宗嫡子也。仁宗崩。方四日。鐵木迭兒以太后命。復入中書。後數日。參議省事。乞失監有罪。應杖。太后又欲答之。帝曰。不可。法者天下之公。徇我而輕重之。非所以正天下也。徽政院使失烈門復以太后命。請遷轉朝官。帝曰。此豈除官時邪。且先帝舊臣。豈宜輕動。俟予



奪李孟封爵

卻七寶帶

黑驢秃秃哈伏誅

即位之後。議於宗親元老賢者任之。邪者黜之。可也。三月。帝即位大赦。○奪李孟封爵。左遷為集賢侍講學士。鐵木迭兒以孟初不附己。讒構於上。盡奪其前後封拜制命。其先墓碑。左遷其官。欲因其不就中害之。孟拜命欣然。帝謂鐵木迭兒。子八爾吉思曰。爾輩謂孟不肯為是官。今何如。由是無敢言者。○四月。近臣獻七寶帶。卻之曰。朕登大位。不聞卿等進賢而為人獻帶。是以帶誘朕也。其還之。○平章政事黑驢。御史大夫秃秃哈等。謀逆伏誅。○八月。下四川平章政事趙世延獄。初。世延既解中丞。出為四川平章。鐵木迭兒猶怨之不已。仁宗崩。即屬其黨。誣告之。逮世延。置對。既遇赦。猶鍛鍊成獄。請置極典。詔以經赦。置不問。

始服袞冕享太廟

河南飢

至治元年  
臘元夕張燈禁中

鐵木迭兒更以他事。罔上繫之於獄。逼令自裁。世延終無屈。○十一月。始服袞冕享太廟。帝將以四時躬享。命禮官與中書翰林集議其禮制。曰。此追遠報本之道也。毋以朕勞於對越。而有所損焉。至是以恭謝太廟。乃備法駕。服袞冕。以行禮。至仁宗室。輒獻欬流涕。左右莫不感慟。自是四時親享。歲以為常。禮畢。還宮。鼓吹交作。百姓聳觀。百年廢典。一旦復見。至有感泣者。○河南飢。帝問其故。群臣皆莫對。帝曰。良由朕治道未洽。卿等又不盡職。致陰陽不和。災害荐至。自今宜各務勤恪。以應天心。毋使吾民重困。○至治元年正月。帝欲以元夕張燈禁中。為鰲山。時張養浩以禮部尚書參議中書省事。遂具疏。因拜住以諫。曰。世祖臨



殺御史觀音保等

卹孔氏子孫

拜住為右丞相  
罷置左相

御三十餘年。每值元夕。閭閻之間。燈火亦禁。況闕庭宮掖之嚴邃。尤當戒慎。今燈山之構。所玩者小。所繫者大。所樂者淺。所患者深。帝大怒。既而喜曰。非張希孟不敢言。即罷之。賜養浩金幣。以旌其直。○二月。殺監察御史觀音保等。時敕建西山佛寺。甚亟。觀音保等以歲飢。且東作方興。上章極諫。帝怒殺之。○四月。遷武宗子圖帖睦爾于瓊州。○二年正月。敕有司卹孔氏子孫貧乏者。○十月。以拜住為右丞相。遂不置左相。獨任以政。帝嘗語拜住曰。朕委卿以大任。以乃祖木華黎佐太祖。安童相世祖。卿念祖宗。令聞豈有不盡心者乎。拜住再拜曰。陛下委臣以大任。臣有所畏者三。畏辱祖宗。畏天下事大。識見有未盡。畏年少不克

拜住尊禮老臣  
一新政務

吳澄辭序藏經

負荷無以報聖恩。惟陛下時加訓飭。幸甚。帝又謂拜住曰。今亦有如唐魏徵之敢諫者乎。對曰。槃圓則水圓。孟方則水方。有太宗納諫之君。則有魏徵敢諫之臣。帝善之。○三年正月。起王約。吳元珪。韓從益。商議。中書省事。吳澄為翰林直學士。時約等以年老致仕。丞相拜住。一新政務。尊禮老臣。傳詔復起約等。俾以其祿家居。每日一至中書省議事。至治之政。多所參酌。澄延祐初。詔起為集賢直學士。以疾不果行。至是以拜住薦起為翰林直學士。○出趙世廷于獄。○二月。敕寫金字藏經。時帝在上都。使左丞速速詔吳澄為序。澄曰。主上寫經為民祈福。甚盛舉也。若用以追薦。臣所未諭。蓋福田利益。雖人所樂聞。而輪回之說。不過



奉元行宮災

帝嗟歎先祖節儉

御史大夫鐵失弑帝

謂為善者死。則上通高明。其極品與日月齊光。為惡者死。則下淪污穢。其極下與沙蟲同類。其徒遂創為薦拔之論。以惑世人。今列聖之神。上同日月。何庸薦拔。且自國初以來。凡寫經追薦。不知其幾。若未效。是無佛法矣。若已效。是誣其祖矣。撰為文辭。不可以示後世。○六月。奉元行宮正殿災。帝語群臣曰。世皇建此宮室。至朕而燬。實朕不能圖治之故也。嘗御大安閣。見太祖世祖遺衣。皆縑素木綿。重加補綴。嘆嗟良久。謂侍臣曰。祖宗創業艱難。服用節儉。乃如此。朕焉敢頃刻忘之。○八月。御史大夫鐵失弑帝于南陂。及右丞相拜住。初鐵失送兒。既奪爵籍產。鐵失等以奸黨不安。帝在上都以夜寐不寧。命作佛事。拜住以國用不

足。諫止之。既而懼誅者。復陰誘群僧言。國當有厄。非作佛事大赦。無以禳之。拜住叱曰。爾輩不過圖得金帛而已。又欲庇有罪邪。奸黨聞之。益懼。乃生異謀。至是。帝自上都南還。駐蹕南陂。是夕。鐵失與知樞密院事也先。鐵木兒。諸王按梯不花等。謀逆。鐵失先與前平章政事赤斤鐵木兒。殺右丞相拜住。而鐵失直犯禁幄。手弑帝於卧所。時帝年二十一。在位四年。改元者一。曰。至治。帝性至孝。仁宗不豫。焚香告天。泣願身代。及嗣位。事多明斷。然以果於刑戮。奸黨畏誅。遂構大變。諸王按梯不花等。奉璽綬。迎晉王也孫鐵木兒于北邊。九月。晉王即位于龍居河。是為泰定皇帝。

後醍醐天皇  
正中元年即

泰定皇帝名也孫鐵木兒顯宗之長子裕宗真金之嫡孫初



位

奉定元年

開經筵

立皇太子

革大臣兼軍務

嗣晉王及英宗遇弒以支庶入繼大統以也先鐵木兒為右丞相倒刺沙為平章政事鐵失知樞密院事諸王買奴言於帝曰不誅元凶則陛下善名不著天下後世何從而知帝深然之收也先鐵木兒等誅之○泰定元年正月召圖帖睦爾于瓊州○二月開經筵江浙行省左丞趙簡請開經筵及擇師傅令太子及諸王大臣子孫受學遂命平章政事張珪翰林學士承旨忽都魯都兒迷失學士吳澄集賢直學士鄧文原王結等以帝範資治通鑑大學衍義貞觀政要等書進講○立子阿速吉八為皇太子○八月封圖帖睦爾為懷王徙雲南王王禪為梁王○二年正月命懷王圖帖睦爾出居建康○四月革大臣兼領軍務參

致和元年

皇太子阿速吉八稱帝僅三月不知所終

知政事左塔不花言大臣兼領軍務前古所無鐵失以御史大夫也先鐵木兒以知樞密院事皆領衛兵如虎而翼故成逆謀乞軍衛之職勿以大臣領之庶勲舊之家得以保全從之仍賜幣帛以旌其直○四年四月旱蝗民飢○致和元年二月帝如上都命簽樞密院事燕帖木兒等居守○徙懷王圖帖睦爾于江陵○七月帝崩于上都○在位四年年三十六改元者二曰泰定致和帝在位災異迭見然守成法以行天下無事稱治平焉○八月簽樞密院事燕帖木兒謀逆執中書省御史臺臣烏伯都刺等下之獄遣使迎懷王于江陵○皇太子阿速吉八即位于上都時年九歲改元天順遣梁王王禪右丞相塔失帖木兒將兵



懷王襲帝位

分道討燕帖木兒。○懷王入京師。以明里董阿闊闊台速速並為平章政事。曹立為右丞。伯顏為御史大夫。趙世延為御史中丞。高昌王鐵木兒補化知樞密院事。○九月。懷王圖帖睦爾襲帝位。燕帖木兒以為擾攘之際。不正大位。不足以係天下之志。懷王以其兄周王和世球在漠北。欲虛位俟之。燕帖木兒曰。人心向背之機。間不容髮。一或失之。噬臍無及。懷王曰。必不得已。當明吾志。播告中外。遂即位。改元天曆。詔天下曰。謹俟大兄之至。以遂固讓之心。大赦。封燕帖木兒為大平王。○十月。懷王兵陷上都。梁王王禪遁走。遼王脫脫死之。天順帝不知所終。○十一月。懷王遣使迎周王和世球于漠北。是為明宗皇帝。

懷王兵陷上都

後醍醐天皇  
嘉曆三年即  
位

明宗皇帝名和世球。武宗長子也。初武宗殂。弟仁宗立。約以

次傳于帝。延祐三年。丞相鐵木迭兒欲固位取寵。乃議立英宗為太子。又譖帝於兩宮。封帝為周王。出鎮雲南。逃在漠北。逮泰定帝殂。圖帖睦爾遣使迎致。帝還至和寧之北。稱帝。○己巳。天歷二年。二月。圖帖睦爾立其妃宏吉刺氏為皇后。○追尊帝母亦乞烈氏。母唐兀氏。並為皇后。○三月。圖帖睦爾遣燕帖木兒奉皇帝寶赴漠北。○四月。帝以燕帖木兒為太師。遣使立圖帖睦爾為太子。○六月。皇太子發京北迎帝。○七月。太白經天。○八月。帝次于旺忽察都。皇太子入見。帝暴殂。燕帖木兒稱皇后之命。奉皇帝寶授皇太子。襲位。是為文宗皇帝。

太白經天



後醍醐天皇 嘉曆三年即位 文宗皇帝名圖帖睦爾武宗次子明宗之弟也初封懷王出鎮建康及明宗崩復襲位于上都大赦○十二月以西僧

輦真吃刺思為帝師帝師至上命朝臣一品以下咸郊迎大臣俯伏進觴帝師不為動惟國子祭酒李術魯翀舉觴

立進曰帝師釋迦之徒天下僧人師也予孔子之徒天下儒人師也請各不為禮帝師笑而起舉觴卒飲眾為之栗

然○至順元年二月立明宗子懿璘質班為鄜王○閏七月詔加孔子父母及顏回曾參孔伋孟軻程顥程頤封爵

孔子父叔梁紇為啓聖王母顏氏啓聖王夫人顏子克國復聖公會子鄒國宗聖公子思沂國述聖公孟子鄒國亞

聖公程顥豫國公頤洛國公○十二月詔以漢董仲舒從子董仲舒從祀孔子

至順元年 加先聖父母諸賢之爵

董仲舒從祀孔子

印佛經二十七藏

吳澄卒

祀孔子廟○是歲命江浙印佛經二十七藏又以泥金書無量壽佛經千部并大乘經一藏○二年六月翰林學士

吳澄卒澄泰定間謝病歸臨川四方從學者恒數百人著書至將終不輟有易春秋禮記纂言及校定皇極經世書

大戴禮等書卒贈臨川郡公諡文正○十一月詔饗燕帖木兒之子塔刺海為子賜居第貲產○三年八月帝崩于

上都。在位五年。壽二十九。改元者二。曰天曆。至順。皇姪廓王立。是為寧宗皇帝。

寧宗皇帝名懿璘質班明宗第二子也文宗崩帝留居京師

燕帖木兒請皇后立皇子燕帖古思后不從命立帝時年甫七歲百司庶務咸啓皇后取進止帝在位兩月而崩燕

後醍醐天皇 元弘二年即位

元文宗 寧宗 二十九



帖木兒復請立燕帖古思。時明宗長子妥懽帖睦爾居廣西之靜江。皇太后曰：吾子尚幼，妥懽帖睦爾今年十三矣。且明宗長子於理當立，乃遣右丞闊里吉思往迎立之，是為順皇帝。

後醍醐天皇  
元弘三年即位

順

皇帝。名妥懽帖睦爾。明宗長子也。初太祖取西北諸國，阿

兒斯蘭率衆來降，乃封為郡王。明宗居沙漠，納其裔孫納罕祿魯氏女，曰邁來的生帝。至順初，明宗后遇害，遂徙之高麗，使居大青嶋中。尋詔天下言：明宗在時，素謂非其子，移于廣西之靜江。至是入承大統。○元統元年三月，燕帖木兒卒。燕帖木兒自秉權以來，肆行無忌，一宴或宰十三馬，取泰定后為夫人。前後尚宗室女四十人，有交禮三日。

元統元年

燕帖木兒卒

帝即位于上都

伯顏為右丞相

遽遣歸者。後房充斥，不能盡識。一日宴，平章政事趙世延宅，男女列坐，見坐隅一婦甚麗，意欲與俱歸。顧左右曰：此為誰？對曰：太師家人也。自後荒淫日甚，體羸溺血而死。○六月，帝即位于上都。初，帝至自靜江，百官具鹵簿迎于良鄉。燕帖木兒既見，並馬徐行，具陳迎立之意。帝幼且畏之，一無所答。燕帖木兒疑其意不可測，故至京久不得立。適大史亦言其立則天下亂，用是議未能決。遷延者數月。燕帖木兒死，皇太后乃與大臣定議立之。且約後當傳于燕帖古思。若武宗仁宗故事。○以伯顏為太師、右丞相，撒敦為太傅、左丞相。時有阿魯輝帖木兒者，明宗親臣也。言于帝曰：天下事重，宜委宰相決之。庶可責其成功。若躬自聽



汴梁雨血

天下飢

至元元年

斷必負惡名帝然之由是深居宮中每事決於宰相而已  
 無所專焉○八月立皇后伯牙吾氏后燕帖木兒之女○  
 奎章閣侍書學士虞集謝病歸時稱其見幾明決○十月  
 封撒敦榮王唐其勢襲封太平王○十一月封伯顏為秦  
 王是日秦州山崩地裂○二年正月汴梁雨血著衣皆赤  
 ○三月彰德路天雨毛如線而綠民謠曰天雨線民起怨  
 中原地事必變○水旱疫民飢○八月以湖廣河南自三  
 月不雨至於是月及諸路旱蝗民飢太白屢晝見經天大  
 赦天下是日京師地震鷄鳴山崩陷為池方百里人死者  
 衆○至元元年二月帝將畋於柳林御史臺臣諫曰陛下  
 春秋鼎盛宜思文皇付託之重致天下於隆平今赤縣之

唐其勢反伏誅

伯顏弒皇后伯牙吾氏

民供給繁勞農務方興而馳騁冰雪之地倘有銜檠之變  
 奈宗廟社稷何遂止○六月唐其勢反伏誅○七月伯顏  
 弒皇后伯牙吾氏時撒敦已死伯顏獨秉政唐其勢忿曰  
 天下本我家天下伯顏何人而位吾上遂與其叔父句容  
 郡王答鄰答里潛蓄異心謀立諸王晃火帖木兒鄰王撒  
 撒禿發其謀唐其勢伏兵東郊率勇士突入宮伯顏及完  
 者帖木兒等掩捕獲唐其勢及其弟塔刺海誅之答里走  
 晃火帖木兒所阿魯渾察執送上都戮之晃火帖木兒自  
 殺初唐其勢事敗被擒攀折殿檻不肯出塔刺海走匿皇  
 后座下后蔽之以衣左右曳出斬之血濺后衣伯顏奏并  
 執后后呼帝曰陛下救我帝曰汝兄弟為逆豈能相救乃



李好文諫年號  
襲舊論時弊

詔罷科舉

遷出官伯顏尋殺之於開平民舍。○十一月改元至元帝以世祖皇帝在位長久欲祖述之監察御史李好文言年號襲舊於古未聞襲其名而不踏其實未見有益因言時弊不如至元者十餘事不報。○詔罷科舉初徹里帖木兒為江浙平章會科舉驛請試官供張甚盛心頗不平及復入中書首議罷科舉及論學校莊田租可給宿衛士衣糧動當國者以發其機又欲損太廟四祭為一於是御史呂思誠等列其罪狀劾之不報皆辭職去而思誠出為廣西僉事時罷科舉詔已書未用璽參政許有壬力爭之伯顏怒曰汝諷臺臣言徹里帖木兒邪有壬曰太師擢徹里帖木兒在中書御史三十人不畏太師而聽有壬豈有壬權

許有壬諫罷科舉

重於太師邪伯顏意稍解有壬乃曰科舉若罷天下才人缺望伯顏曰舉子多以賊敗有壬曰科舉未行時臺中賊罰無算豈盡出於舉子伯顏曰舉子中可任用者惟參政爾有壬曰若張夢臣馬伯庸輩皆可任大事如歐陽玄之文章亦豈易及伯顏曰科舉雖罷士之欲求美衣食者自能向學有壬曰為士者初不事衣食伯顏曰科舉取人實妨選法有壬曰今通事知印等天下凡二千三百餘名今歲自四月至九月白身補官受宣者亦且七十二人而科舉一歲僅三十餘人科舉於選法果相妨乎不也伯顏心然其言而議已定不可中輟乃溫言慰解之翌日宣詔特令有壬為班首以折辱之有壬懼禍不敢辭治書侍御史



敗于柳林三十  
五日  
朱光卿反稱大  
金國  
定服色器皿與  
馬之制

金華處士許謙  
卒

溥化。諺有壬曰。參政可謂過橋拆橋者矣。有壬以為大耻。移疾不出。○三年正月。帝敗于柳林。凡三十五日。○廣東朱光卿與其黨石昆山。鍾大明。聚眾反。稱大金國。改元赤符。河南棒胡亦舉兵反。○二月。定服色器皿與馬之制。時服飾上下無別。帝初禁民間服麒麟。鸞鳳。白兔。靈芝。雙角。五爪龍。八龍。九龍。萬壽字。赭黃等服。至是復詔定其制。尋禁倡優盛服。及戴笠乘馬。○五月。民間訛言。朝廷刷取童男女。一時嫁娶殆盡。○十月。金華處士許謙卒。謙受業金履祥之門。履祥曰。士之為學。若五味之在和。醯鹽既加。則酸鹹頓變。子來見我三日矣。而猶夫人也。豈吾之學無以感發於子耶。謙聞之。惕然居數年。盡得其所傳之妙。履祥

既沒。謙益肆充闡。多所自得。自謂吾非有大過人者。惟為學之功。無間斷爾。平生制行甚嚴。而所以應世者。不膠於古。不流於俗。屏跡入華山。四方之士。不遠百里而來受業。其教人至誠諄悉。內外殫盡。獨不教人以科舉之文。曰。此義利之所由分也。不出里閭。垂四十年。中外名臣。列其行義章。凡數十上。郡以遺逸。應詔。有司請主文衡。皆莫能致。世稱為白雲先生。卒。謚文懿。先是何基。王柏。金履祥。歿。其學猶未大顯。至謙而其道益著。同時休寧陳櫟。務源。胡一桂。皆以講明道學。見重於時。云。○四年四月。雨雹大如拳。其狀有小兒。環玦。獅豹等之形。○六月。周子旺舉兵。稱周王。改年建號。尋敗死。○五年十一月。以伯顏為大丞相。伯

周子旺反稱周王



伯顏有罪泛竄

顏矯詔殺郟王徹徹篤伯顏構陷郟王奏賜死帝未允輒傳旨殺之又奏貶宣讓王帖木兒不花威順王寬徹普化不俟命即遣之帝為之不平○六年二月伯顏有罪黜為河南行省左丞相尋竄南恩州道死伯顏既誅唐其勢獨秉國鈞遂專權自恣漸有異謀帝患之伯顏欲以所養弟之子脫脫宿衛偵帝起居懼涉物議乃以知樞密院汪家奴翰林學士承旨沙剌班同侍禁近實屬意脫脫故脫脫政令日修衛士拱聽約束伯顏自領諸衛精兵以燕者不花為屏蔽導從之盛填溢街衢而帝儀衛反落落如晨星勢焰薰灼天下之人知有伯顏而已脫脫深憂之私請於父馬札兒台曰伯父驕縱已甚萬一天子震怒則吾族赤

脫脫忠節質師

矣曷若於未敗圖之其父亦以為然脫脫復質於師吳直方直方曰傳有之大義滅親大夫但知忠於國爾餘復何顧焉一日見帝乘間自陳忘家徇國之意帝猶未之信時帝前後左右皆伯顏之黨獨世傑班阿魯為帝腹心乃遣二人與脫脫遊日以忠義之言相與往復辯論益悉其心靡他遂聞於帝帝始信之無疑及伯顏擅貶宣讓威順二王帝不勝其忿決意逐之一日泣語脫脫脫脫亦泣下遂與世傑班等謀欲候伯顏入朝擒之戒衛士嚴宮門出入螭坳皆為置兵伯顏見之大驚召脫脫責之對曰天子所居防禦不得不爾然遂疑脫脫亦增兵自衛至是伯顏以所領兵衛請帝出田脫脫勸帝稱疾不往伯顏固請乃命

螭坳堂上坳深處也



太子燕帖古思出次柳林脫脫遂與阿魯等合謀悉拘京城門鑰命所親信列布城門外是夜奉帝居玉德殿遣怯薛月可察兒率三十騎抵營中取太子入城又召揚瑀范匯入草詔數伯顏罪狀出為河南行省左丞相伯顏奏乞陛辭不許既而帝以伯顏罪重罰輕復降詔安置南恩州陽春縣行次江西隆興驛病死○六月詔廢文宗廟主遷太皇太后弘吉刺氏于東安州尋崩放燕帖古思于高麗殺諸途詔曰昔武宗升遐太后惑於憮慝俛皇考出封雲南英宗遇害我皇考以武宗之嫡逃居沙漠宗王大臣同心翊戴於時以地近先迎文宗暫總機務繼知天理人倫所在假讓位之名以寶璽來上皇考推誠不疑即立為皇

廢廟主遷太后詔

御史崔敬諫遷太后放太弟

太子而乃當躬逐之際與其臣月魯不花也里牙明里董阿等謀為不軌使我皇考飲恨上賓歸而再御宸極又私圖傳子嫁禍於八不沙皇后謂朕非明宗之子出居遐陬上天不佑隨降殞罰叔嬪不答失里怙其勢焰舍長嫡而立次幼奄復不年諸王大臣以賢以長扶朕踐祚賴天之靈權奸屏黜永惟鞠育罔極之恩忍忘不共戴天之義其命太常撤去圖帖睦爾在廟之主不答失里削太皇太后之號徙東安州安置燕帖古思放諸高麗當時賊臣月魯不花等已死其以明里董阿明正典刑時監察御史崔敬言文宗即撒廟主嬪母亦削鴻名盡孝正名斯亦足矣惟念皇弟燕帖古思年幼播遷天理人情有所不忍方先皇



復行科舉

至正三年

詔修遼金宋三史

上賓皇弟尚在襁褓。未有知識。義當矜閔。伏望陛下迎歸。太后母子。以盡骨肉之義。書奏不報。未幾。太后崩於東安州。燕帖古思遇害於中道。○十二月。詔復行科舉。時科舉既輟。翰林學士承旨巖巖從容言曰。古昔取人材。以濟世用。必由科舉。何可廢也。帝采其論。詔復行之。○至正三年三月。詔修遼金宋三史。初世祖立國史院。首命王鶚修遼金二史。宋亡。又命史臣通修三史。延祐天曆之間。屢詔修之。以義例未定。竟不能成。至是。命脫脫爲都總裁。鐵木兒塔識。張起巖。歐陽玄。呂思誠。揭傒斯。爲總裁官。修之。或欲如晉書例。以宋爲世紀。而遼金爲載紀。或又謂遼立國先於宋五十年。宋南渡後。嘗稱臣於金。以爲不可待制。王理

帝親祀太廟

徵處士杜本不至

者。祖修端之說。著三史。正統論。欲以遼金爲北史。太祖至靖康。爲宋史。建炎以後。爲南宋史。一時士論。非不知宋爲正統。然終以元承金。金承遼之故。疑之。各持論不決。詔遼金宋各爲史。凡再閱。歲書成。上之。發凡舉例。論贊表奏。多玄屬筆焉。○十月。親祀太廟。帝行禮。至寧宗室。問曰。朕寧宗兄也。理當拜否。太常博士劉聞對曰。寧宗雖弟。其爲帝時。陛下爲臣。春秋時。魯僖公。閔公兄也。閔公先爲君。宗廟之祭。未聞僖公不拜。陛下當拜。乃拜之。○十二月。徵清江處士杜本。不至。本在武宗時。嘗被召至京師。卽歸隱。武夷山中。文宗聞其名。徵之不起。至是。脫脫薦之。召爲翰林待制。兼國史院編修官。使者趣至杭州。稱疾固辭。既又徵處



嶮嶮進比干圖

士完者圖執禮哈郎董立李孝光張樞樞辭不至詔以完者圖執禮哈郎為翰林待制立修撰孝光著作郎或疑其太優右丞相鐵木兒塔識曰隱士無求於朝廷朝廷有求於隱士區區名爵何足吝惜識者誦之○五年五月翰林學士承旨嶮嶮卒初嶮嶮知經筵日勸帝就學帝欲寵以師禮固辭不可帝嘗欲觀畫嶮嶮取比干圖以進一日帝覽宋徽宗畫稱善嶮嶮進曰徽宗多能惟一事不能帝問一事謂何對曰獨不能為君爾身辱國破皆由不能為君所致凡為人主貴能為君他非所尚也其隨事規諫皆類此嘗謂人曰天下事宰相當言宰相不得言則臺諫言之臺諫不敢言則經筵言之備位經筵得言人所不敢言於

遣使巡行天下

盜竊大廟神主  
沿江兵起

虞集卒

天子之前志願足矣故於時政得失有當匡救者未嘗緘默至是卒○九月遣使巡行天下時諸道奉使者皆與臺諫交相揜蔽惟巡京畿道西臺中丞定定集賢侍講學士蘇天爵糾舉無所避凡興革者七百八十三事糾劾凡百四十三人都人稱天爵為包極天爵亦竟以忤時相罷去○六年五月盜竊太廟神主○七年二月山東地震壞城郭有聲如雷○三月東平又震○十月沿江兵起○八年三月帝臨國子學賜衍聖公銀印陞秩從二品定弟子員出身及省親奔喪等制○八月奎章閣侍書學士致仕虞集卒諡文靖集性孝友學博洽而究極本源研精探微心解神契其經綸之妙一寓諸文頗有宋慶曆乾淳風烈○



詔修河防

十一月。台州方國珍兵起。○十年六月。有星入于北斗。大如月。震聲如雷。○十月。方國珍攻溫州。○十一年。天完主如月。震聲如雷。○十月。方國珍攻溫州。○十一年。徐壽輝詔修河防。左遷工部尚書成遵為河間鹽運使。以賈魯為總治河防使。初。黃河決。脫脫集群臣廷議。言人殊惟漕運使賈魯以為必塞北河。疏南河。使復故道。役不大興。害不能已。於是遣工部尚書成遵與大司農禿魯行視河。議其疏塞之方。以聞。遵等自濟濮。汴梁。大名。行數千里。掘井以量地之高下。測岸以究水之淺深。博采輿論。以謂河之故道斷不可復。且曰。山東連歉。民不聊生。若聚二十萬衆於此地。恐他日之憂。又有重於河患者。時脫脫先入魯言及聞。遵等議怒曰。汝謂民將反邪。自辰至酉。論

河南北童謠

劉福通李二徐壽輝等兵起

辨終莫能入。明日執政謂遵曰。修河之役。丞相意已定。且有人任其責。公勿多言。幸為兩河之議。遵曰。腕可斷。議不可易。遂出。遵河間鹽運使。詔開黃河故道。命魯以工部尚書充河防使。發河南北兵民十七萬。自黃陵岡南達白茅。放於黃岡。哈只等口。又自黃陵西至陽青州。凡二百八十里。有奇。興功凡五閱月。諸埽堤成。河復故道。超授魯集賢大學士。賜脫脫世襲答剌罕之號。其餘遷賚有差。先是。河南北童謠云。石人一隻眼。挑動黃河。天下反。及魯治河。果於黃陵岡得石人一眼。而汝穎之兵起。○五月。潁州劉福通。蕭縣李二。羅田徐壽輝等兵起。先是。四方盜賊蜂起。有司不能制。及發丁夫開河。民心益愁怨。思亂。有韓山童者。



童謠

樂城人自其祖父以白蓮會燒香惑眾謫徙永平至是山童倡言天下大亂彌勒佛下生河南及江淮愚民翕然信之潁州劉福通與杜遵道等復詭言山童實宋徽宗八世孫當為中國主遂同起兵以紅巾為號縣官捕之急山童就擒其妻楊氏及其子韓林兒逃之武安惟福通黨盛不可制朝廷乃命同知樞密院禿赤以兵擊之福通既破潁州遂據朱臯攻羅山上蔡真陽確山諸縣尋犯舞陽葉縣陷汝寧府及光息二州眾至十萬蕭縣李二號芝麻李亦以燒香聚眾與其黨趙均用彭早住攻陷徐州據之羅田徐壽輝與倪文俊鄒普勝等聚眾舉兵亦以紅巾為號攻陷蘄水縣及黃州路○十月信州及邵武兩縣饒州建寧

饒信諸州兩泰

徐壽輝稱帝

郭子興兵起破濠州

兩黑子大如黍菽衢州兩泰民多取而食之○徐壽輝稱帝據蘄水為都國號天完改元治平○十二年正月徐壽輝兵破漢陽諸郡威順王寬徹普化等棄城走二月破江州總管李黼死之○定遠郭子興等兵起破濠州子興見汝穎兵起列郡騷動遂與其黨孫德崖等舉兵自稱元帥攻拔濠州據之徽里不花率兵欲復濠城憚不敢進惟日掠良民為盜以徼賞由是民益恟恟不安其豪傑咸投入城以自保○三月徐壽輝破袁瑞饒信徽等州○詔省臺官兼用南人自世祖以後臺省之職南人斥不用至是始復舊制詔南人有才學者並許用之○台州路達魯花赤秦不華與方國珍戰于澄江死之先是國珍入海燒掠沿

秦不花戰死



隴西地震

海州郡朝廷遣大司農達識帖木通招降之至是朝廷方  
 征徐州命江浙募舟師北守大江國珍懷疑復却其黨入  
 海泰不華遣義士王大用往諭國珍拘留不遣其戚黨陳  
 仲達往來議降泰不華具舟張受降旗乘潮下澄江觸沙  
 不行垂與國珍遇呼仲達申前議仲達曰動氣索泰不華  
 覺其心異手斬之即前薄賊船奮擊之賊群至欲抱持入  
 其船泰不華瞋目叱之奪刀殺賊賊攢槩刺之中頸死猶  
 植立不仆投其屍海中事聞追贈江浙平章封魏國公諡  
 忠介○隴西地震凡百餘日城郭頽圮陵谷變遷定西會  
 州尤甚會州公宇牆崩獲弩五百餘長者丈餘短者九尺  
 人莫能挽因改定西為安定州會州為會寧州○五月徙

徙瀛國公子完普于沙州

瀛國公子趙完普等于沙州御史徹徹帖木兒等言諸處  
 群盜輒引亡宋故號以為口實宜徙和尚完普及親屬於  
 沙州安置禁人交通從之○七月徐壽輝兵襲杭州江浙  
 參知政事樊執敬戰死董搏霄率兵復之遂復徽州○八  
 月方國珍攻台州浙東元帥也忒迷失擊走之○右丞相  
 脫脫將諸軍擊李二於徐州大破之屠其城○十月霍山  
 崩前三日山如雷鳴禽獸驚散殞石數里○十一月江西  
 行省平章政事星吉擊趙普勝戰于湖口兵敗死之○趙  
 均用入濠州據之稱王初均用與彭早住以窮蹙來奔郭  
 子興與孫德崖反屈已下之事皆稟命遂為所制既而早  
 住死均用益自專○十三年五月泰州張士誠及其弟士

趙均用稱王



張士誠舉兵稱誠王

立皇太子

哈密進西番僧

德士信舉兵陷秦州遂據高郵稱誠王國號大周建元天祐已而有詔赦之使至不得入賊給言請李知府來乃受命淮南行省強知府李齊往至則下齊於獄齊雖辨說百端而士誠本無降意士誠呼齊使跪齊叱曰吾膝如鐵豈為賊屈士誠怒使曳倒槌碎其膝而髡之時論大科三魁若李黼泰不華及齊皆不負所學云○六月立愛猷識理達臘為皇太子○十二月江浙平章政事卜顏帖木兒等會兵擊徐壽輝於蘄水破之○哈麻進西番僧于帝僧教帝行房中運氣之術號演揲兒法又進僧伽璘真善秘密法帝皆習之詔以西番僧為司徒伽璘真為大元國師各取良家女三四人奉之謂之供養嘗謂帝曰陛下尊居萬

郭子興稱王  
河冰成五色

乘富有四海不過保有見世而已人生能幾何當受此秘密大喜樂禪定於是帝曰從事於其法廣取女子惟淫戲是樂帝諸弟八郎者與哈麻妹婿禿魯帖木兒及老的沙等十人號倚納皆有寵在帝前相與褻狎甚至男女裸處號所處室曰皆即兀該猶華言事事無碍也君臣宣淫而群僧出入禁中無所禁止醜穢外聞皇太子既長深疾二僧等所為欲去之未能也○郭子興引兵入滁州時子興患趙均用之專乃領所部萬人入據滁州城稱王○十四年正月汴河冰皆成五色花艸如繪畫三日乃解○九月命右丞相脫脫督諸軍擊張士誠○十二月平章政事哈麻銜脫脫嗾御史劾其出師三月略無寸功詔削脫脫官



製龍舟於內苑

爵安置淮安以太不花等代總其軍○帝製龍舟於內苑  
帝自製船式長一百二十尺廣二十丈用水手二十四人  
皆衣金紫自後宮至前宮山下海子內往來遊戲行時龍  
首眼口爪尾皆動又自製宮漏高六七尺廣半之造木為  
匱藏壺其中運水上下匱上設三聖殿匱腰立玉女捧時  
刻籌時至輒浮水而上左右二金甲神一懸鐘一懸鈺夜  
則神人自能按更而擊無分毫差鳴鐘鈺時獅鳳在側者  
皆自翔舞匱之東西有日月宮飛仙六人立宮前遇子午  
時自能趨進度仙橋達三聖殿復退立如前其精巧絕出  
人意皆前所未有帝既怠於政治惟事遊宴以宮女十六  
人按舞名十六天魔又十一人奏龍笛頭管小鼓箏篥琵琶

韓林兒稱宋帝

明太祖朱元璋起兵

琵琶響板栢板每宮中讚佛則按舞奏樂宦官非受秘密  
戒者不得與○十五年宋主韓林兒龍鳳元年二月劉福通以韓林  
兒稱宋帝又號小明王建都亳州國號宋改元龍鳳○三  
月竄脫脫于雲南○四月以定住為右丞相哈麻為左丞  
相雪雪為御史大夫雪雪哈麻弟於是國家大柄盡歸其  
兄弟矣○六月明太祖朱元璋起兵時四方割據稱雄者  
衆戰爭無虛日兵亂歲饑民不聊生壬辰春太祖避兵濠  
城有安天下救生民之志乃收納英賢置之左右遂起兵  
攻滁州下之明年又下和陽恩威日著豪傑歸心至是謀  
渡江取金陵患無舟楫而巢湖水寨軍師俞通海等率衆  
萬餘船千艘來降太祖顧謂諸將曰方謀渡江而巢湖水



製龍舟於內苑

爵安置淮安以太不花等代總其軍○帝製龍舟於內苑  
帝自製船式長一百二十尺廣二十丈用水手二十四人  
皆衣金紫自後宮至前宮山下海子內往來游戲行時龍  
首眼口爪尾皆動又自製宮漏高六七尺廣半之造木為  
匱藏壺其中運水上下匱上設三聖殿匱腰立玉女捧時  
刻籌時至輒浮水而上左右二金甲神一懸鐘一懸鉦夜  
則神人自能按更而擊無分毫差鳴鐘鉦時獅鳳在側者  
皆自翔舞匱之東西有日月宮飛仙六人立宮前遇子午  
時自能耦進度仙橋達三聖殿復退立如前其精巧絕出  
人意皆前所未有帝既怠於政治惟事遊宴以宮女十六  
人按舞名十六天魔又十一人奏龍笛頭管小鼓箏篥琵琶

韓林兒稱宋帝

明太祖朱元璋  
起兵

琵琶響板栢板每宮中讚佛則按舞奏樂宦官非受秘密  
戒者不得與○十五年宋主韓林兒龍鳳元年二月劉福通以韓林  
兒稱宋帝又號小明王建都亳州國號宋改元龍鳳○三  
月竄脫脫于雲南○四月以定住為右丞相哈麻為左丞  
相雪雪為御史大夫雪雪哈麻弟於是國家大柄盡歸其  
兄弟矣○六月明太祖朱元璋起兵時四方割據稱雄者  
衆戰爭無虛日兵亂歲饑民不聊生壬辰春太祖避兵濠  
城有安天下救生民之志乃收納英賢置之左右遂起兵  
攻滁州下之明年又下和陽恩威日著豪傑歸心至是謀  
渡江取金陵患無舟楫而巢湖水寨軍師俞通海等率衆  
萬餘船千艘來降太祖顧謂諸將曰方謀渡江而巢湖水



陶安獻言

軍來附。吾事濟矣。遂率徐達、馮國用、邵榮、湯和、李善長、常遇春、鄧愈、耿君用、毛廣、廖永安、引舟東下。首克牛渚磯。遂進攻太平。拔之。耆儒陶安、李習率父老出迎。安因獻言曰：方今四海鼎沸，豪傑並爭，攻城屠邑，互相長雄。然其志皆在子女玉帛，取快一時，非有撥亂救民、安天下之心。明公率衆渡江，神武不殺，人心悅服。以此順天應人而行，弔伐天下不足平也。○十一月，答失八都魯擊宋劉福通軍，破之。十二月，遂圍亳。福通以其主韓林兒走安豐。○十六年正月，哈麻、雪雪有罪伏誅。○二月，張士誠入平江，據之。遂陷湖州、松江、常州諸路。○三月，明太祖帥水陸諸軍進至江寧鎮，攻陳兆先營，破之。進圍集慶。南臺御史大夫福壽

哈麻雪雪伏誅

改集慶路為應天府

方國珍降

督兵出戰，力不能支，死於兵。太祖入城，召官吏耆老，諭曰：吾率衆至此，為民除亂耳。爾宜各安職業，毋恐。於是民大悅，更相慶慰。遂改集慶路為應天府，分遣諸將取鎮江、廣德，皆下之。○方國珍降，命為海道漕運萬戶。國璋、衢州路總管。○六月，彰德李實如黃瓜。先是童謠云：李生黃瓜，民皆無家。○十七年三月，明太祖兵克常州。先是徐達攻常州，進薄城下。張士誠遣其弟士德以數萬衆來援。達伏兵擒之。由是士誠氣沮，乃奉書請和，願輸糧犒軍。太祖復書數其開釁、召兵之罪，且許其歸。我使臣將校，即當班師。士誠得書不報。達請益兵圍之，遂下其城。○五月，明太祖取寧國等路。徐達常遇春率兵攻寧國，久不下。太祖乃親往

張文貴死節



天完將陳友諒  
殺倪文俊

督師既至守將楊仲英開門請降百戶張文貴殺其妻妾  
自刎而死尋遣諸將取江陰徽州池州皆下之○八月張  
士誠降以為大尉○九月天完將陳友諒襲殺倪文俊友  
諒汙陽漁人子嘗為縣吏不樂會壽輝文俊兵起慨然往  
從之遂為文俊簿書掾尋亦領兵為元帥及文俊專恣心  
不能平至是文俊謀殺壽輝不果奔黃州友諒因乘釁襲  
殺之遂併其軍自稱平章○十二月天完將明玉珍據成  
都玉珍隨州人初聞徐壽輝兵起乃集鄉兵屯於青山結  
柵自固未幾降於壽輝及倪文俊陷川蜀令玉珍守之至  
是文俊死玉珍遂自據成都蜀中郡縣皆附之○十八年  
正月天完將陳友諒破安慶淮南行省左丞余闕死之先

明玉珍據成都

淮南行省左丞  
余闕一門死節

是闕固守安慶友諒引軍薄城下闕遣兵扼之俄而饒寇  
攻西門友諒兵乘東門既登城闕簡死士奮擊敗之至是  
池州趙普勝軍東門友諒軍西門饒兵軍南門四面蟻集  
闕徒步提戈為士卒先分遣部將督三門之兵自以孤軍  
血戰斬首無算而闕亦被十餘創日中城陷火起闕知不  
可為乃引刀自剄墮清水塘中死妻蔣氏及妾耶卜耶律  
氏子德臣女安安甥福童亦赴井死同時死者守臣韓建  
一家被害居民誓不從賊焚死者以千計○三月宋毛貴  
破濟南路河南行省右丞董搏霄與戰死之濟南城陷貴  
入據之時搏霄方駐於南皮之魏家莊詔遣使拜為河南  
右丞甫拜命值貴兵猝至而營壘猶未完諸將曰賊至當

董搏霄戰死



明取婺州開郡學

明太祖諭諸將誠殺戮

如何搏霄曰當以死報國因拔劍督戰賊突前搏霄刺殺之無血惟見白氣冲天是日其弟昂霄亦死○五月宋劉福通破汴梁奉其主韓林兒居之○十二月明太祖取婺州胡大海兵攻之久不克太祖乃自將精兵十方往征拔之改婺州路爲寧越府命知府王宗顯開郡學延儒士葉儀宋濂爲五經師戴良爲學正吳沉徐原等爲訓導時喪亂之餘學校久廢至是始聞絃誦之聲無不忻悅太祖旣撫定寧越欲遂取浙東未下諸郡集諸將諭之曰克城雖以武而安民必以仁吾師比入建康秋毫無犯故一舉而遂定今新克婺城民始獲甦政當撫卹使民樂於歸附則彼未下郡縣亦必聞風而歸吾每聞諸將下一城得一

方國珍附明太祖

郡不妄殺人輒喜不自勝蓋師旅之行勢如烈火火烈則人必避之爲將者能以不殺爲心非惟國家所利在己亦蒙其福爾等從吾言則事不難就大功可成矣○宋關先生兵破上都焚宮闕○十九年三月方國珍遣使以溫台慶元三郡附於明太祖先是太祖遣使往慶元招諭方國珍國珍與其下謀曰方今元運將終豪傑並起惟江左號令嚴明所向莫敵今又東下婺州恐不能與抗況與我爲敵者西有張士誠南有陳友定莫若姑示順從藉爲聲援以觀其變遂遣使奉書幣以三郡來獻且以次子關爲質太祖曰古者慮人不從則爲盟誓盟誓變而爲交質皆由未能相信故也今旣誠信來歸便當推誠相與如青天白



日何自懷疑而以質子爲哉乃厚賜關而遣之國珍既又以金玉飾馬鞍轡來獻太祖曰吾方有事四方所需者文武材能所用者穀粟布帛其他寶玩非所好也悉卻之○四月趙均用殺宋毛貴其黨續繼祖執均用殺之○六月天完將陳友諒攻信州江東廉訪使伯顏不花的斤往救死之○八月察罕帖木兒克汴梁宋劉福通以其主韓林兒復走安豐○九月明太祖兵取衢處州初太祖克婺州置分中書省召儒士許元葉瓚玉等十一人皆會食省中日令二人進講經史敷陳治道至是克處州又有薦青田劉基龍泉章溢麗水葉琛及宋濂者即遣使以書幣徵之至建康比入見甚喜賜坐從容與論經史及咨以時事深

明兵取衢處州

創禮賢館

陳友諒稱帝國號漢

明兵拔江州

見尊寵既而命有司即所居之西創禮賢館處之時朱文忠守金華復薦王禕王天錫至皆用之○十二月天完將陳友諒徙其主徐壽輝都江州自稱漢王○二十年五月漢王陳友諒弒其主徐壽輝自稱帝國號漢改元大義○二十一年八月明太祖帥師伐漢拔江州漢主友諒走武昌先是友諒引兵犯金陵敗潰奔還尋遣其將張定邊陷安慶府太祖乃下令諸將曰陳友諒賊殺其主僭稱大號侵我太平犯我建康今又以兵陷我安慶觀其所爲不滅不已爾等其厲士卒以從徐達進曰師直爲壯今我直而彼曲焉有不克劉基曰取威制敵以成王業在此時也遂督諸帥率舟師乘風遡流而上遂克安慶長驅向江州分



改隆興路為洪都府

明玉珍稱帝國號夏

舟師為兩翼夾擊友諒大破之友諒挈妻子夜奔武昌既而友諒偽相胡廷瑞見江州已破遣使詣軍中請降太祖遂至隆興建昌王溥饒州吳宏袁州歐普祥各率眾來見寧州陳龍及吉安孫本立曾方中皆來降乃改隆興路為洪都府○十一月黃河清凡七日○二十二年三月明玉珍破雲南五月自稱隴蜀王○二十三年夏王明玉珍天統元年吳王張正月明玉珍稱帝于成都建國號曰夏士誠元年○是歲并宋漢凡四國改元天統○二月張士誠將呂珍入安豐殺宋劉福通等據其城明太祖率兵擊走之○七月漢主友諒圍洪都明太祖帥諸將討之大戰于鄱陽湖友諒敗死于理立初友諒忿其疆場日蹙乃作大艦來攻洪都自為必勝之謀載

明太祖戰于鄱陽湖大捷

其家屬百官空國而來以兵圍城其氣甚盛兵戴竹盾禦矢石攻城城且壞守將朱文正趙德勝鄧愈督諸將死戰且戰且築城壞復完已而德勝中流矢死內外阻絕音問不通文正乃遣使赴建康告急太祖親帥諸將發舟師二十萬進次湖口友諒聞援兵至即解圍東出與明師遇鄱陽湖之康節山徐達常遇春等諸將擊敗其前軍軍威大振明日諸軍接戰至晡東北風起燔其水寨舟數百艘友諒第友仁友貴及其平章陳普略皆焚死復聯舟大戰自辰至午漢兵大敗友諒奪氣其將張定邊欲挾之退保鞋山為明兵所扼不得出斂舟自守不敢戰是夕明舟渡淺泊於左蠡與友諒相持者三日友諒計窮冒死突出將奔



張士誠稱吳王

明太祖建國號曰吳

還武昌太祖麾諸將邀擊之友諒中流矢貫睛及顛而死擒其太子善兒其平章陳榮以下悉以樓船軍馬來降定邊乘夜以小舟載其屍及其子理徑趨武昌復立理為帝改元德壽既而明太祖復進兵圍之○八月張士誠自稱吳王即平江治宮室立官屬朝廷遣戶部侍郎博羅帖木兒徵糧於士誠士誠不與○二十四年漢主陳理德壽元年○是歲漢亡正月明太祖建國號曰吳建百司官屬以李善長為右相國徐達為左相國諭曰卿等為生民計推戴予然建國之初當先正紀綱元氏昏亂紀綱不立主荒臣專威福下移由是法度不行人心漁散遂致天下騷亂今將相大臣當鑒其失宜協心為治以成功業毋苟且因循取充位而已

漢主陳理降于明

二月以武昌圍久不下乃親往視師督諸將擊之擒其元帥張必先既而遣其降將羅復仁入城諭陳理使降理遂率其太尉張定邊等詣軍門請降凡府庫儲蓄悉令理自取城中民多飢困命給粟賑之於是湖廣江西諸郡縣相繼皆降江西行省以陳友諒鏤金牀進太祖觀之謂侍臣曰此與孟昶七寶溺器何異以一牀工巧若此其餘可知陳氏父子窮奢極靡焉得不亡侍臣曰未富而驕未貴而侈此所以取敗太祖曰既富豈可驕既貴豈可侈有驕侈之心雖富貴豈能保乎即命毀之○三月右丞相搠思監狗太子旨誣老的沙等不軌收其黨鍛鍊其獄連逮不已帝知其無辜數諭太子寢其事太子不從搠思監朴不花



字羅帖木兒舉  
兵向關

皆附太子窮究其事又譖秃堅帖木兒詆毀朝政而字羅帖木兒與秃堅帖木兒友善且知其誣遣人白其非罪太子怒下詔削字羅官爵而奪其兵字羅拒命不受四月詔擴廓帖木兒討字羅字羅知詔命調遣糊思監所為非出帝意舉兵向關太子迎戰不利率侍衛兵東走興松時京師無備城中大震令百官吏卒分守使人即索羅軍問故以必得糊思監朴不花為對詔慰解之不聽乃執二人與之復字羅官爵仍守禦大同乃引軍還大同既而太子還官恚怒不已發兵討字羅字羅與秃堅老的沙復大舉向關七月字羅前鋒入居庸關太子親禦于清河軍潰奔冀寧字羅遂專國太子在外日夜謀除內難大發諸路兵分

夏主明玉珍卒

明太祖訪求遺書

三道而進字羅大怒自將拒戰大敗九月威順王之子和尚忿其屢舉兵犯關無君言于帝受密旨結勇士陰圖刺之老的沙秃堅帖木兒等皆伏誅帝遣使函字羅首往冀寧召太子還擴廓帖木兒遂扈從至京師○二十六年三月夏主明玉珍卒子昇立時甫十歲改元開熙母彭氏同聽政○四月明太祖兵取淮西諸路守將忻都等奔汴梁○五月明太祖求遺書嘗命有司訪求古今書籍藏之秘府以資覽閱因謂侍臣詹同等曰三皇五帝之書不盡傳於世故後世鮮知其行事漢武帝購求遺書而六經始出唐虞三代之治始可得而見武帝雄才大略後世無及至表章六經開闡聖賢之學又有功於後世吾每於官中無



明太祖立宗廟社稷

吳主張士誠縊死

事輒取孔子之言觀之如節用而愛人使民以時真治國之良規孔子之言誠萬世之師也○九月以方國珍為江浙行省左丞相其弟國瑛國珉姪明善並為平章政事○十二月明太祖立宗廟社稷時群臣皆言新城既建宮闕制度亦宜早定太祖以國之所重莫先宗廟社稷遂議立之○二十七年夏主明昇開熙元年正月絳州夜聞天鼓鳴將旦復鳴其聲如空中戰鬪者○三月明太祖定文武科取士之法○九月明太祖兵克平江執吳王張士誠送建康士誠自縊死○十月太祖既掃除群雄撫有江南乃遣大將軍徐達副將軍常遇春率甲士二十五万北伐以定中原馳檄諭齊魯河洛燕薊秦晉之人○明太祖定律


明太祖定律令頒戊申曆

令十一月頒戊申曆○太祖兵討方國珍降之時徐達常遇春引兵由淮入河鼓行而東首克沂州進取嶧州及益都於是萊州諸郡悉奉圖籍來降山東既定明年達與遇春會諸將於臨清率馬步舟師進克大都帝集三宮后妃皇太子同議避兵北行詔淮王帖木兒不花監國慶童為左丞相同守京城夜半開建德門北奔遇春等追至北河擒皇孫買的里八剌而還元亡元主駐應昌二年殂壽五十一在位三十六年改元者二曰元統至正元自世祖至元十七年至是凡十世八十九年而亡



元明清史略卷之一 終







003019-001-1

222.058-I652g

元明清史略(明治新刻) 一名, 三史略

石村 貞一(桐陰) / 編

M10

ACC-0174



222.058

I652g

